



FLETORJA ZYRTARE E REPUBLIKËS SË SHQIPËRISË

Botim i Qendrës së Publikimeve Zyrtare

www.qpz.gov.al

Nr.39

24 prill

2012

P Ë R M B A J T J A

Vendim i KM
nr. 182, datë 13.3.2012

Për miratimin e Planit të Veprimit për Fëmijë, 2012-2015.

Faqe

2155

VENDIM
Nr. 182, datë 13.3.2012

PËR MIRATIMIN E PLANIT TË VEPRIMIT PËR FËMIJË, 2012-2015

Në mbështetje të nenit 100 të Kushtetutës, me propozimin e Ministrit të Punës, Çështjeve Sociale dhe Shanseve të Barabarta, Këshilli i Ministrave

VENDOSI:

1. Miratimin e Planit të Veprimit për Fëmijë, 2012-2015, sipas tekstit bashkëlidhur këtij vendimi.
 2. Ngarkohen ministritë dhe institucionet e tjera qendrore e vendore, të përmendura në tekstin e Planit të Veprimit për Fëmijë, 2012-2015, për zbatimin e këtij vendimi.
 3. Ngarkohet Agjencia Shtetërore për Mbrojtjen e të Drejtave të Fëmijëve për monitorimin e zbatimit të këtij plani veprimi.
- Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

PLANI I VEPRIMIT PËR FËMIJË
2012-2015

HYRJE

Në programin e Qeverisë së Shqipërisë 2009-2013, nënvizohet angazhimi për mbrojtjen dhe promovimin e të drejtave të fëmijëve: "... gjatë këtij mandati, ne zotohemi të përmirësojmë me shpejtësi treguesit bazë të shëndetit të fëmijës duke i sjellë ata në nivelet europiane, do të shtrijmë vaksinimin ndaj të gjitha sëmundjeve të rrezikshme për shëndetin e fëmijëve, të ngremë në të katër anët e vendit sistemin e arsimit parashkollor, si kusht për një parapërgatitje dinjitoze të fëmijëve tanë në shkollë"¹.

Në këtë program, objektivat e të drejtave të fëmijëve konsiderohen si një nga objektivat e rëndësishme të veçantë, gjë e cila është shprehur me thellimin e reformës legjislative dhe institucionale, për të krijuar një mjedis mbrojtës dhe gjithëpërfshirës për fëmijët. Kjo reformë ka kulmuar me miratimin e ligjit nr. 10 347, datë 4.11.2010 "Për mbrojtjen e të drejtave të fëmijës", si edhe me krijimin e Agjencisë Shtetërore për Mbrojtjen e të Drejtave të Fëmijëve.

Politikat për mbrojtjen e të drejtave të fëmijëve janë pjesë e rëndësishme e Strategjisë Kombëtare për Zhvillimin dhe Integrimin 2007-2013 (SKZHI), në të cilën kristalizohet vizioni afatmesëm dhe afatgjatë i zhvillimit të vendit bazuar në një proces të hapur dhe transparent. Në këtë dokument, çështjet që lidhen me të drejtat e fëmijës trajtohen në seksionin "Zhvillimi social dhe ekonomik"². Dokumenti po kështu vendos objektiva për zbutjen e varfërisë, luftën kundër trafikimit dhe formave më të këqija të punës së fëmijës, forcimin e arsimit të detyrueshëm, ngritjen e nivelit të shërbimit shëndetësor për fëmijët. Në mënyrë eksplicite, në dokument citohet i domosdoshëm

¹Për Shqipërinë Europiane - Programi i mazhorancës dhe qeverisë së integritit europian 2009-2013, paraqitur në Kuvendin e Shqipërisë, më 16.9.2009

²NSDI, 2008, f. 42 dhe f. 60



zbatimi i legjislacionit për nxitjen e të drejtave të fëmijëve dhe mbrojtjen e fëmijës nga rreziku për jetën, shëndetin, arsimimin dhe zhvillimin normal.

Strategjia ndërsektoriale e përfshirjes sociale 2007-2013, e miratuar me vendimin e Këshillit të Ministrave nr. 218, datë 3.2.2008, trajton në një dimension gjithëpërfshirës çështjet dhe grupet e synuara që shtrihen përtej thelbit të problemeve afatgjata strukturore të zhvillimit, me të cilat përballet Shqipëria. Strategjia i kushton vëmendje të posaçme vlerësimit të progresit të politikave të reduktimit të varfërisë, si edhe të ndikimit që këto politika kanë në realizimin e të drejtave të fëmijëve. Gjithashtu, në mbështetje të zbatimit të parimit të mundësive të barabarta, në të përfshihen dinamikat e zhvillimit të individëve në nevojë, familjeve dhe grupeve në komunitet që nga periudha e miratimit të kësaj strategjie.

Përveç strategjive të mësipërme, të cilat shërbejnë si udhërrëfyese për hartimin e politikave sektoriale dhe ndërsektoriale për të drejtat e fëmijëve, parimet, objektivat, ndërhyrjet afatgjata dhe afatshkurtra me përfitues të drejtpërdrejtë fëmijët, parashikohen në strategji të veçanta për fëmijët (2000-2005 dhe 2005-2010).

Strategjia kombëtare dhe plani i veprimit për fëmijët, 2005-2010, si edhe raportet periodike vjetore të progresit të kësaj strategjie nënvizojnë në mënyrë sistematike domosdoshmërinë e koordinimit dhe harmonizimit të politikave ndërsektoriale, me qëllim rritjen e efektivitetit të tyre në funksion të një garantimi të plotë të të drejtave të fëmijëve. Strategjia dhe plani i veprimit për fëmijë, 2005-2010 përfaqëson një hap progresiv të fuqishëm për Shqipërinë në raport me të drejtat e fëmijëve, sepse në harkun kohor të 5 vjetëve:

1. Të drejtat e fëmijëve u bënë pjesë e një programi politik kompleks, në të cilin komponentët ligjorë, institucionalë, financiarë dhe vlerësues të ecurisë, janë të gërshetuar në mënyrë harmonike;

2. Politikat për realizimin e të drejtave të fëmijëve dhe ndikimi i tyre në përmirësimin e mirëqenies së fëmijëve janë pjesë e debatit politik, si edhe e çdo raportimi kombëtar;

3. Çështjet e të drejtave të fëmijëve janë pjesë e bashkëpunimit ndërinstucional në nivel qendror dhe në nivel vendor. Në disa rajone të vendit, këto bashkëpunime janë materializuar nëpërmjet strategjive rajonale dhe planeve të veprimit për fëmijë;

4. Çështjet e të drejtave të fëmijëve po shndërrohen në çështje të të gjithë shoqërisë, duke siguruar përfshirjen dhe angazhimin e shumë aktorëve, qeveritarë dhe të shoqërisë civile, si edhe të vetë fëmijëve;

5. Ngritja fillimisht e sekretariatit teknik për fëmijë, strukturë brenda MPCSSH-së dhe më pas krijimi i Agjencisë Shtetërore për Mbrojtjen e të Drejtave të Fëmijëve (ASHMDF), institucion ekzekutiv në varësi të MPCSSH-së, ishin hapa të rëndësishëm në krijimin e strukturës përgjegjëse për monitorimin dhe raportimin mbi zbatimin e të drejtave të fëmijëve në vend. Aktualisht ASHMDF është institucioni përgjegjës që monitoron zbatimin e ligjit, koordinon me të gjithë aktorët në nivel qendror e vendor dhe vlerëson realizimin e të drejtave të fëmijëve në Shqipëri.

Analiza e situatës ekonomike dhe sociale të vendit tregon se edhe pse progresi është i dukshëm dhe mirëqenia është rritur, Shqipëria ende është një nga vendet më të varfra të Europës.

Studimi mbi matjen e nivelit të jetesës i vitit 2008 konfirmon se përqindja e të varfërve në Shqipëri është zvogëluar nga 25.4 për qind në 2002 në 12.4 për qind në 2008. Popullsia ekstremisht e varfër, e përcaktuar si personat që kanë vështirësi në përmbushjen e nevojave bazë ushqimore, u ul nga 5 për qind në vitin 2002 në 1.2 për qind në atë 2008.

I njëjti studim pranon se varfëria vazhdon të jetë një fenomen rural edhe për shkak të mundësisë së kufizuar që popullsia rurale ka në përdorimin e shërbimeve publike. 1.8% e fëmijëve jetojnë në varfëri ekstreme, sipas LSMS-së, 2008, ndërsa 17.14% e fëmijëve jetojnë në varfëri. 13.48 për qind e fëmijëve të rajoneve malore jetojnë në familje në të cilat të dy mbajtësit e familjes ose vetëm njëri, janë të papunë, ndërsa në nivel kombëtar ky tregues është 9.3 për qind.

Varfëria ndikon në rritjen e përjashtimit social dhe pabarazive rajonale. Zonat rurale dhe rajonet malore rezultojnë tejet të varfra, sipas të gjitha përkufizimeve të varfërisë.

Nuk ekzistojnë modele qartësisht të ndara gjeografike për grupet më të rrezikuara dhe në varfëri ekonomike. Sidoqoftë, përjashtimi social është më i prekshëm dhe i qartë në zonat rurale. Një pjesë e konsiderueshme e kësaj popullsie është e përjashtuar për një arsye ose një tjetër nga mundësia e përdorimit të shërbimeve sociale dhe të punësimit, meqenëse këto shërbime janë kryesisht të disponueshme në qytete. Besohet se për shumë familje, mundësia e kufizuar e përdorimit të shërbimeve bazë, përfshirë edhe shërbimet e punësimit, është faktori kryesor që redukton aftësinë e tyre për të nxjerrë veten nga varfëria.

Me të gjitha sukseset e arritura, problemet që ndikojnë në mohimin e të drejtave të fëmijëve, janë komplekse. Si të tilla, ato kërkojnë edhe ndërhyrje nëpërmjet politikave komplekse dhe gjithëpërfshirëse, të cilat kanë në qendër të vëmendjes “përfshirjen sociale të fëmijëve” në vend të përjashtimit.

Në këtë kuadër politik e shoqëror, plani i veprimit për fëmijë, 2012-2015, tërheq vëmendjen në dy drejtime kryesore:

- a) Forcimin e strukturave institucionale të krijuara për të monitoruar dhe raportuar mbi zbatimin e të drejtave të fëmijëve në nivel kombëtar e rajonal;
- b) Nxitjen e hartimit të politikave gjithëpërfshirëse, të koordinuara e harmonizuara të mbrojtjes dhe përfshirjes sociale të fëmijëve.

KAPITULLI 1

KUADRI LIGJOR DHE MEKANIZMAT INSTITUCIONALË PËR ZBATIMIN E POLITIKAVE TË PËRFSHIRJES SOCIALE QË MBROJNË TË DREJTAT E FËMIJËVE

Si rezultat i një procesi diskutimi me pjesëmarrje të gjerë nga institucionet qeveritare e shoqëria civile, Kuvendi i Shqipërisë miratoi ligjin nr. 10 347 datë 4.11.2010 “Për mbrojtjen e të drejtave të fëmijëve”. Miratimi i këtij ligji shënon një arritje të rëndësishme në mbrojtjen e të drejtave të fëmijëve përmes një kuadri të plotë ligjor dhe institucional në përputhje me Kushtetutën Shqiptare dhe Konventën mbi të Drejtat e Fëmijës.

Ligji vendos themelin për ngritjen e mekanizmave të përshtatshëm institucionalë që do të garantojnë dhe sigurojnë respektimin e të drejtave të fëmijëve nga individët, familja, dhe shteti. Ligji siguron të gjitha masat e nevojshme për garantimin e jetës, mirërritjes dhe zhvillimit të fëmijës nëpërmjet një qasjeje të koordinuar ndërmjet aktorëve të ndryshëm që punojnë në fushën e të drejtave dhe të mbrojtjes së fëmijës. Pritet që ky ligj të përmirësojë ndjeshëm sistemin e mbrojtjes së fëmijës në Shqipëri duke institucionalizuar njësitë e mbrojtjes së të drejtave të fëmijës si struktura të nivelit lokal, të cilat përgjigjen për koordinimin dhe vënien në zbatim të shërbimeve të mbrojtjes së fëmijës dhe menaxhimin e rasteve, në bashkëpunim me një numër aktorësh të fushave të ndryshme. Gjithashtu, në këtë ligj parashikohet si detyrim ligjor bashkëpunimi dhe bashkërendimi i punës ndërmjet institucioneve përgjegjëse në nivel qendror dhe vendor, duke e rregulluar këtë marrëdhënie nëpërmjet rregullave që do të përcaktojnë Këshilli i Ministrave.

Në ligj parashikohet ngritja dhe funksionimi i Këshillit Kombëtar për Mbrojtjen e të Drejtave të Fëmijëve (KKMDF), si një organ këshillimor pranë Këshillit të Ministrave. Në përputhje me programin e qeverisë ai koordinon dhe përcakton politikat që duhen ndjekur për fëmijët dhe monitoron zbatimin e strategjisë kombëtare për të drejtat e fëmijës. Ky organ këshillimor ka në përbërje të tij 9 anëtarë, përfaqësues të ekzekutivit, të pushtetit vendor dhe të shoqërisë civile. Gjithashtu, parashikohet se pranë Këshillit do të ngrihen komitetet teknike, të cilat do të kenë funksion ndihmës për Këshillin, kryesisht në lidhje me vendimet që do të duhet të ndërmarrë ky organ.



Në ligj parashikohen edhe detyrat e Ministrit që bashkërendon punën për çështjet e mbrojtjes së të drejtave të fëmijës, i cili në referim të fushës së veprimtarisë që ushtrohet aktualisht, Ministri i Punës, Çështjeve Sociale dhe Shanseve të Barabarta, do të jetë ministri që do të mbulojë detyrat e parashikuara në nenet përkatëse.

Në zbatim të ligjit nr. 10 347 “Për mbrojtjen e të drejtave të fëmijëve” është ngritur dhe funksionon Agjencia Shtetërore për Mbrojtjen e të Drejtave të Fëmijëve. Agjencia është institucion ekzekutiv, në varësi të ministrit që bashkërendon punën për mbrojtjen e të drejtave të fëmijëve ngritur me urdhër të Kryeministrit nr. 30, datë 18.3.2011.

Detyrat e agjencisë sanksionohen në ligj, ndërsa misioni i saj realizohet nëpërmjet funksioneve që vijojnë:

1. të monitorimit të zbatimit të ligjit nr. 10 347, datë 4.11.2010 “Për mbrojtjen e të drejtave të fëmijës” dhe legjislationit në fuqi, si dhe të koordinimit të autoriteteve shtetërore përgjegjëse për monitorimin e zbatimit të strategjive dhe politikave në fushën e të drejtave të fëmijëve;

2. propozimit në ministrinë që bashkërendon çështjet për mbrojtjen e të drejtave të fëmijëve, për ndërhyrje në politika dhe legjislation, bazuar në problematikat që kanë dalë gjatë monitorimit të zbatimit të ligjit, strategjive dhe politikave në fushën e mbrojtjes së të drejtave të fëmijës;

3. propozimit për udhëzime metodologjike për njësitë e të drejtave dhe të mbrojtjes së fëmijës në organet e qeverisjes vendore;

4. të mbështetjes teknike, për strukturat e organeve të qeverisjes qendrore dhe vendore, si dhe për organizatat jofitimprurëse, që punojnë në fushën e mbrojtjes së të drejtave të fëmijës;

5. të koordinimit me të gjitha strukturat e qeverisjes qendrore dhe vendore për përgatitjen e raporteve, informacioneve dhe statistikave për gjendjen e zbatimit të të drejtave të fëmijëve në Shqipëri;

6. të ndëshkimit ndaj subjekteve të cilat shkelin dispozitat e ligjit nr. 10 347, datë 4.11.2010 “Për mbrojtjen e të drejtave të fëmijës”.

ASHMDF ndjek zbatimin e këtij planveprimi nga institucionet përgjegjëse në nivel qendror dhe vendor, harton raportet e progresit, orienton dhe mbështet donatorët vendas dhe ndërkombëtarë për zbatimin e objektivave të planit të veprimit për fëmijë dhe organizon studime dhe analiza mbi gjendjen e fëmijëve në Shqipëri.

Për të plotësuar kuadrin institucional, që ligji synon të krijojë me qëllim zbatimin efektiv të tij, është parashikuar ngritja e Njësisë për të Drejtat e Fëmijës në nivel qarku dhe njësisë për mbrojtjen e fëmijës në nivel bashkie apo komune. Ngritja dhe funksionimi i këtyre njësisve do të bëjë të mundur zbatimin dhe monitorimin e mbrojtjes së të drejtave të fëmijëve, duke filluar që në terren, pra nga baza e duke vazhduar vertikalisht drejt ekzekutivit. Në respektim të parimit të autonomisë lokale, ligji ka parashikuar funksionimin e këtyre njësisve brenda organizimit administrativ të strukturave përkatëse të pushtetit lokal, me detyrat e parashikuara në ligj.

Ligji nr. 10 347, datë 4.11.2010, sanksionon krijimin e njësisve për të drejtat e fëmijës në çdo qark të Shqipërisë. NJDF funksionon si pjesë e strukturës administrative të qarkut dhe ka për detyrë:

a) të monitorojë dhe të vlerësojë mënyrën e zbatimit të ligjeve dhe të politikave që lidhen me mbrojtjen e të drejtave të fëmijës në territorin e qarkut;

b) të identifikojë dhe të koordinojë referimin e rasteve të shkeljeve apo të abuzimit, të keqpërdorimit të të drejtave të fëmijëve në territorin e qarkut;

c) të koordinojë funksionimin e grupit multidisiplinar, për identifikimin, analizën dhe referimin e rasteve të dhunës në familje në territorin e qarkut;

ç) të bashkëpunojë dhe të shkëmbejë informacionin për trajtimin e të drejtave të fëmijës me çdo strukturë përgjegjëse shëndetësore, arsimore, policore, të qeverisjes vendore, në bashki dhe komuna, apo të shoqërisë civile;

d) të organizojë takime informuese, edukuese dhe trajnuese për të drejtat e fëmijës në qark;
dh) t'i raportojë këshillit të qarkut për ecurinë e respektimit të të drejtave të fëmijës në territorin e qarkut;

e) t'i raportojë periodikisht Agjencisë Shtetërore për Mbrojtjen e të Drejtave të Fëmijës të dhënat statistikore që ka përpunuar, për gjendjen e të drejtave të fëmijës në qark;

ë) t'i paraqesë periodikisht Agjencisë Shtetërore për Mbrojtjen e të Drejtave të Fëmijës informacione për situatën e zbatimit të të drejtave të fëmijës në qark.

Objektivat dhe masat e planit të veprimit për fëmijë, 2012-2015, janë grupuar sipas të drejtave të fëmijës:

1. E drejta për mbrojtje dhe përfshirje sociale;
2. E drejta e fëmijëve për mbrojtje nga dhuna, abuzimi dhe shfrytëzimi ekonomik;
3. E drejta për zhvillim dhe arsim;
4. E drejta për kujdes shëndetësor;
5. E drejta për mbrojtje ligjore.

KAPITULLI 2

E DREJTA PËR MBROJTJE DHE PËRFSHIRJE SOCIALE

Politikat kombëtare për mirëqenien e fëmijëve (politikat sociale, shëndetësore, edukimit, strehimit etj.) duhet të synojnë promovimin dhe mbrojtjen e të drejtave të fëmijëve. Këto politika duhet t'u japin prioritet uljes së varfërisë dhe marginalizimit, pabarazisë, mbështetjes së familjes, të adresojnë tolerancën dhe kohezionin social, të sigurojnë përfshirjen sociale dhe të nxisin bashkëpunimin e aktorëve të ndryshëm në të gjitha nivelet e qeverisjes.

Pranohet se çështja e përjashtimit të fëmijëve njihet shumë pak dhe se sistemi ekzistues i mbrojtjes sociale nuk është i orientuar drejt sigurimit të përkujdesjes sipas grupeve të fëmijëve të përjashtuar. Megjithatë konstatohet se grupet e mëposhtme janë grupet e fëmijëve në situatë kritike ekonomike dhe shoqërore, si pasojë e së cilës të drejtat e tyre mohohen apo nuk respektohen. Këto grupe konsiderohen në nevojë për mbrojtje të veçantë.

Fëmijët e familjeve më të varfra. Fëmijët, familjet e të cilëve jetojnë me ndihmë ekonomike janë më të rrezikuarit nga përjashtimi social. Ato vuajnë nga dizavantazhe të shumfishta sociale, pasi kanë vështirësi në marrjen e shërbimeve bazë, si: strehimi, edukimi, shërbimet shëndetësore dhe mbrojtja shoqërore.

Fëmijët pa kujdes prindëror. Analiza e të dhënave mbi numrin e fëmijëve të vendosur në institucione, si dhe dinamika e hyrjes dhe daljes nga këto institucione tregon se afërsisht 60 për qind e fëmijëve vijnë nga familje të varfra ose familje me probleme sociale, 35 për qind prej tyre janë të braktisur që në lindje dhe 5 për qind e tyre janë të vendosur në institucione për arsye të tjera, përfshi këtu riatdhesimin e fëmijëve të trafikuar dhe fëmijët që punojnë.

Fëmijë me aftësi të kufizuara. Nga të dhënat administrative mund të njihet vetëm numri i individëve të cilët përfitojnë pagesë paaftësie sipas llojit të paaftësisë: mendore, fizike, pamësore apo dëgjimore. Mbështetur në analizën e të dhënave të përftuara nga dokumentet administrative rezulton se afro 60 për qind e fëmijëve me aftësi të kufizuara jetojnë në zonën rurale.

Fëmijët që detyrohen të punojnë. Në nivel kombëtar informacioni i saktë mungon, por së shpejti pritet një studim i INSTAT-it. Studimet lokale tregojnë se rreth dy të tretat e fëmijëve që punojnë në rrugë e kanë braktisur shkollën, kurse 35 për qind e ndjekin atë me ndërprerje. Pranohet se një pjesë e konsiderueshme e familjeve rome dhe egjiptiane, u kërkojnë fëmijëve të punojnë për të ndihmuar familjen.

Me të gjithë mbështetjen që jep kuadri ligjor për dhënien e ndihmës në para apo në natyrë për familjet pa të ardhura apo masat që merren për ndihmën dhe reduktimin e varfërisë të familjet dhe grupet në nevojë, ka nevojë për masa specifike për të mbështetur veçanërisht fëmijët, me



bindjen se investimi te fëmijët është burimi më i sigurt i zhvillimit njerëzor dhe shoqëror në të ardhmen. Në përgjigje të nevojave në rritje për shërbime gjithëpërfshirëse cilësore sociale, si edhe në përputhje me angazhimet e marra në kuadrin e procesit të integritimit në BE, plani i veprimit për fëmijë, 2012-2015, nënvizon domosdoshmërinë e një vëmendjeje të veçantë mbi nevojat e fëmijëve në programin e ndihmës ekonomike, me qëllim që ky program të ndikojë në zbutjen e varfërisë dhe parandalimin e fenomeneve sociale negative që rrisin përjashtimin e fëmijëve të varfër.

Në këtë plan janë parashikuar masa konkrete për programin e ndihmës ekonomike, duke pasur për qëllim që të merren në konsideratë nevojat e fëmijëve dhe kushtëzimin me përmbushjen e këtyre nevojave nga familjet përfituese.

Në lidhje me të drejtat e mbrojtjes dhe përfshirjes sociale të fëmijëve, plani i veprimit synon të kontribuojë në arritjen e rezultateve strategjike:

1. Rritja e rolit të njësive të qeverisjes vendore, në vlerësimin e nevojave të fëmijëve në raport me realizimin e të drejtave të tyre dhe zbutjen e varfërisë;
2. Reformimi i sistemit të shërbimeve sociale për fëmijë;
3. Harmonizimi i politikave për të drejtat e fëmijëve nëpërmjet funksionimit të mekanizmave për mbrojtjen e të drejtave të fëmijëve në nivel qendror dhe vendor.

Në planin e veprimit përcaktohen objektiva specifike sipas secilit objektiv strategjik.

Objektivi strategjik 1 “Rritja e rolit të njësive të qeverisjes vendore, në vlerësimin e nevojave të fëmijëve në raport me realizimin e të drejtave të tyre dhe zbutjen e varfërisë” do të arrihet nëpërmjet objektivave: 1. Hartimi dhe vlerësimi i politikave rajonale për çdo qark, për realizimin e të drejtave të fëmijëve, duke marrë parasysh gjendjen ekonomiko-sociale të rajonit; 2. Hartimi i politikave për zbutjen e varfërisë dhe përjashtimin social të fëmijëve në nevojë.

Hartimi dhe miratimi i strategjive rajonale për mbrojtjen e të drejtave të fëmijëve në çdo qark, monitorimi i zbatimit të të drejtave të fëmijëve në çdo njësi administrative të qarkut, vlerësimi i politikave rajonale për fëmijët, si edhe rritja e buxheteve për politikën sociale rajonale që ndikojnë në zbatimin e të drejtave të fëmijëve janë disa nga masat që do të mundësojnë arritjen e objektivit 1.

Objektivi 2 “Hartimi i politikave për zbutjen e varfërisë dhe përjashtimin social të fëmijëve në nevojë”, si një objektiv themelor i të gjithë politikës sociale të vendit do të realizohet nëpërmjet pilotimit në disa njësi vendore të një skeme të re të mbështetjes me të ardhura për fëmijët që ndjekin arsimin e detyrueshëm, familjet e të cilëve janë në skemën e NE-së, si edhe nëpërmjet rritjes së kapaciteteve të NJDF-së, si edhe strukturave të tjera të qeverisjes vendore (zyrat e ndihmës ekonomike) në lidhje me zbatimin më efektiv të ndihmës ekonomike në raport me të drejtat e fëmijëve.

Objektivi strategjik 2 “Reformimi i sistemit të shërbimeve sociale për fëmijë” do të arrihet nëpërmjet objektivave: 1. Deinstitutionalizimi, transformimi i shërbimeve rezidenciale në tipologji të reja shërbimesh; 2. Përmirësimi i cilësisë së shërbimeve sociale për fëmijë; 3. Zgjerimi i hartës së shërbimeve për fëmijë; 4. Mbrojtje alternative për fëmijët e privuar nga kujdesi prindëror.

Në këtë kuadër, ngritja e shërbimeve ditore dhe komunitare për fëmijë, në qendrat rezidenciale të njësive të pushtetit vendor, sipas nevojave të komunitetit, shtrirja e tipologjisë shtëpi-familje në shërbimet rezidenciale të transferuara pranë NJQV, vlerësimi i zbatimit të standardeve të përkujdesjes shoqërore për fëmijë në qendrat rezidenciale, si edhe hartimi i standardeve për tipologjitë e reja të shërbimeve të përkujdesjes shoqërore për fëmijë, janë disa nga masat që do të mundësojnë arritjen e objektivit. Plani i veprimit për fëmijë përcakton se njësitë e qeverisjes vendore duhet të intensifikojnë përpjekjet për marrjen e përgjegjësive financiare, reformimin e institucioneve rezidenciale dhe ngritjen e shërbimeve të reja në përputhje me dinamikën e nevojave të fëmijëve në nevojë në komunitet e tyre.

Masa të posaçme janë parashikuar për implementimin e shërbimit të kujdestarisë për fëmijët në familje, si një nga alternativat më të mira në interesin më të lartë të fëmijës.

Objektivi strategjik 3 “Harmonizimi i politikave për të drejtat e fëmijëve nëpërmjet funksionimit të mekanizmave për mbrojtjen e të drejtave të fëmijëve në nivel qendror dhe vendor” kushtëzohet nga objektivat: 1. Monitorimi dhe vlerësimi i implementimit të politikave për realizimin e të drejtave të fëmijëve; 2. Ngritja e një sistemi të unifikuar treguesish statistikorë për vlerësimin e realizimit të të drejtave të fëmijëve dhe përjashtimin social të fëmijëve në nivel kombëtar dhe në nivel qarku; 3. Vendosja e një partneriteti dhe nxitja e bashkëpunimit ndërmjet institucioneve shtetërore në nivel qendror e vendor, organizatave jofitimprurëse që veprojnë në këtë fushë.

Arritja e këtyre objektivave mbështetet në hartimin dhe funksionimin e një pakete aktesh e vendimesh, në zbatim të ligjit nr. 10 347, datë 4.11.2010, në të cilët një vend të veçantë zë sigurimi i funksionimit të zbatimit të kuadrit ligjor për funksionimin e Këshillit Kombëtar për të Drejtat e Fëmijëve, të Agjencisë Shtetërore për të Drejtat e Fëmijëve, të institucioneve respektive në nivel rajonal, si edhe sigurimi i fuqizimit dhe rritjes së numrit të personelit të Agjencisë Shtetërore për Mbrojtjen e të Drejtave të Fëmijëve me kapacitetet e duhura njerëzore dhe infrastrukturore për ushtrimin e funksioneve dhe përgjegjësi të caktuara nga legjislati në fuqi.

Ngritja e një sistemi të unifikuar treguesish statistikorë për vlerësimin e realizimit të të drejtave të fëmijëve dhe përjashtimin social të fëmijëve në nivel kombëtar dhe në nivel qarku do të arrihet nëpërmjet miratimit dhe zbatimit të aktit nënligjor që përcakton llojin e informacionit statistikor për analizën e nivelit të realizimit të të drejtave të fëmijëve, mënyrën e përcjelljes së këtij informacioni nga pushteti vendor në ASHMDF, fuqizimit të sektorit të statistikës në ASHMDF dhe rritjes të NJDF-së në qarqe, si edhe nëpërmjet hartimit dhe miratimit të listës së treguesve të përjashtimit social të fëmijëve sipas KDF-së.

Politikat për fëmijët nuk mund të ndahen nga politikat për familjet. Politikat për fëmijët dhe familjet duhet:

- Të mbrojnë fëmijën dhe familjen nga varfëria dhe përjashtimi social;
- Të mbështesin familjen në ushtrimin e përgjegjësi prindërore dhe kujdesit ndaj fëmijëve;
- Të parandalojnë sa më shumë të jetë e mundur ndarjen e fëmijëve nga familjet e tyre;
- Të promovojnë shërbimet me bazë komunitare dhe shërbimet alternative (shtëpi-familje, kujdestari) ndaj shërbimit rezidencial për fëmijë;
- Të promovojnë forma pozitive dhe jo të dhunshme të përkujdesjes për fëmijët, prindërimin pozitiv.

KAPITULLI 3

E DREJTA E FËMIJËVE PËR MBROJTJE NGA DHUNA, ABUZIMI DHE SHFRYTËZIMI EKONOMIK

Çështjet që lidhen me krijimin e një ambienti mbrojtës për fëmijët gradualisht janë përfshirë në listën e prioriteteve të qeverisë gjatë dhjetëvjeçarit të fundit. Pikëpamja mbi mbrojtjen sociale të fëmijëve ka ndryshuar nga njohja e të drejtave të tyre, në respektimin dhe garantimin e këtyre të drejtave. Sidoqoftë, trashëgimia e varfër e të kaluarës, si edhe problemet ekonomike dhe shoqërore të Shqipërisë, kanë përcaktuar edhe drejtimit e politikave sociale të Shqipërisë. Si rezultat i situatës ekonomike dhe shoqërore, si edhe i dukurive që lidhen me tranzicionin, fëmijët përballen me shumë dukuri kritike që ndikojnë në mohimin, përjashtimin apo mosrespektimin e të drejtave të tyre.

Megjithatë, përpjekjet në rritje të institucioneve qeveritare dhe shoqërisë civile kanë rezultuar në rritjen e vëmendjes ndaj grupeve të fëmijëve të përjashtuar ose në rrezik përjashtimi nga e drejta e mbrojtjes shoqërore nga dhuna e shfrytëzimi. Politikat e hartuara apo në proces hartimi, synojnë jo vetëm të mbrojnë fëmijët, por të parandalojnë, të zbulojnë dhe të përgjigjen formave të ndryshme të dhunës apo shfrytëzimit të fëmijëve.



Në përputhje me detyrimet që rrjedhin nga ligji nr. 10 347, datë 4.11.2010, njësitë e mbrojtjes së fëmijëve, të cilat janë në proces krijimi në bashki e komuna, duhet të ushtrojnë funksionet e tyre si vijon.

Njësia për mbrojtjen e fëmijës në bashki/komunë funksionon brenda strukturës administrative të bashkisë/komunës, si njësi e posaçme ose si njësi e strukturave të ngarkuara me çështje sociale dhe ka për detyrë:

a) të vlerësojë dhe të monitorojë në vazhdimësi situatën e familjeve të fëmijëve në rrezik, derisa fëmija të konsiderohet “jo në rrezik”;

b) të bëjë identifikimin dhe të bashkërendojë, në mënyrë multidisiplinare, mbrojtjen, referimin dhe analizën e rasteve në territorin e bashkisë/komunës;

c) të sensibilizojë komunitetin, të organizojë takime informuese, edukuese dhe trajnuese për mbrojtjen e fëmijës në territorin e bashkisë/komunës;

ç) të bashkëpunojë me administratorët e shërbimeve shoqërore, psikologët e shkollave, mjekun e familjes, autoritetet përgjegjëse të rendit, punonjësit socialë të qendrave të shërbimeve publike e jopublike, për përmirësimin e situatës së mbrojtjes së fëmijës në territorin e bashkisë/komunës;

d) të shërbejë si qendër informacioni, ku fëmijët dhe familjet në territorin e bashkisë/komunës mund të informohen apo të referohen te shërbime të tjera mbështetëse, sipas nevojave që ata kanë;

dh) t'i raportojë periodikisht Agjencisë Shtetërore për Mbrojtjen e të Drejtave të Fëmijës të dhënat statistikore që ka përpunuar për mbrojtjen e fëmijës në territorin e bashkisë/komunës;

e) t'i paraqesë periodikisht Agjencisë Shtetërore për Mbrojtjen e të Drejtave të Fëmijës informacione për situatën e mbrojtjes së fëmijës në territorin e bashkisë/komunës.

Në lidhje me të drejtën e fëmijëve për mbrojtje nga dhuna, abuzimi dhe shfrytëzimi ekonomik, plani i veprimit për fëmijë, 2012-2015, synon arritjen e objektivave strategjike:

1. Parandalimi dhe mbrojtja e fëmijëve nga dhuna, abuzimi;
2. Mbrojtja e fëmijëve nga format më të këqija të punës.

Objektivi strategjik 1 “Parandalimi dhe mbrojtja e fëmijëve nga dhuna, abuzimi” kushtëzohet nga objektivat: 1. Regjistrimi i të gjithë fëmijëve me shtetësi shqiptare, të lindur, brenda dhe jashtë territorit të Shqipërisë; 2. Ngritja dhe funksionimi i mekanizmave institucionalë në nivel vendor për mbrojtjen e fëmijëve dhe menaxhimin e rasteve të fëmijëve në rrezik; 3. Zbatimi i programit COMBI: “Për një shkollë miqësore pro sjelljeve pozitive”; 4. Vendosja dhe konsolidimi i shërbimit psikologjik në të gjitha kopshtet, shkollat e arsimit të detyruar dhe arsimit të mesëm; 5. Internet i sigurt për fëmijët.

Zbatimi i objektivit të parë synon regjistrimin e të gjithë fëmijëve edhe atyre që kanë mbetur të paregjistruar brenda afateve, për shkaqe të ndryshme, si një hap i parë për parandalimin dhe mbrojtjen e fëmijës nga çdo formë dhune, abuzimi, neglizhimi. Objektivi 2 kërkon ngritjen e njësive për mbrojtjen e fëmijëve në çdo bashki/komunë, duke filluar nga bashkitë më të mëdha të vendit, miratimin dhe zbatimin e projektvendimit të Këshillit të Ministrave “Për mekanizmin e bashkërendimit të punës ndërmjet autoriteteve shtetërore përgjegjëse për referimin e rasteve të fëmijëve në rrezik”, hartimin dhe miratimin e metodologjisë së veprimit të njësive për mbrojtjen e fëmijëve për trajtimin e rasteve të fëmijëve në rrezik, ngritjen dhe funksionimin e ekipeve teknike ndërdisiplinore në qarqe, bashki e komuna për menaxhimin e rasteve të fëmijëve në rrezik, si edhe hartimin dhe miratimin e statusit të punonjësit social.

Zbatimi i objektivit të dytë, kërkon që të përgatiten rregulloret tip të ekipeve teknike ndërdisiplinore në qarqe, bashki e komuna për menaxhimin e rasteve të fëmijëve në rrezik, si edhe ngritjen e kapaciteteve të punonjësve të njësive të mbrojtjes/të drejtave të fëmijëve, grupeve teknike multidisiplinore në njësitë e qeverisjes vendore.

Objektivat 3 dhe 4 janë fokusuar në mbrojtjen e fëmijëve në institucionet e edukimit, shkolla, kopshte. Zbatimi i programit COMBI synon promovimin dhe zbatimin në shkolla të mënyrave të reja të disiplinimit (MRD) të fëmijëve dhe mobilizimin e komunitetit për respektimin e këtyre metodave të reja.

Shtrirja e shërbimit psikologjik në të gjitha kopshtet dhe shkollat në vend, është konsideruar një masë e domosdoshme dhe kërkesë e vazhdueshme e stafit pedagogjik në shkolla. Rritja e kapaciteteve të psikologëve të shkollave, hartimi i standardeve për cilësinë e punës së psikologëve, si edhe vendosja e bashkëpunimit ndërmjet psikologëve të shkollës dhe njësive për mbrojtjen e fëmijëve në bashki/komunë për menaxhimin e rasteve të fëmijëve në rrezik, kushtëzojnë arritjen e objektivit 4 të përshkruar më lart.

Objekivi 5 “Internet i sigurt për fëmijët” është një objektivi i ri dhe lidhet me nxitjen e praktikave të vetërregullimit ndërmjet internet *providers*, institucioneve dhe aktorëve të tjerë të industrisë së komunikimit, si dhe fushata ndërgjegjësimi, edukimi, informimi për sigurinë në internet, për të gjithë aktorët.

Objekivi strategjik 2 “Mbrojtja e fëmijëve nga format më të këqija të punës” do të arrihet nëpërmjet objektivave: 1. Forcimi i masave për parandalimin dhe garantimin e një mbrojtjeje më efikase për fëmijët e shfrytëzuar në format më të rënda të punës; 2. Rritja e rolit të Inspektoratit Shtetëror të Punës për mbrojtjen e fëmijëve dhe përmirësimin e situatës së fëmijëve që punojnë.

Arritja e objektivave të mësipërm kërkon vendosjen e bashkëpunimit të ISHP-së me njësinë e mbrojtjes së fëmijëve në bashki/komunë, forcimi i sanksioneve ndaj autorëve të formave më të këqija të punës, rritjen e kapaciteteve të inspektorëve të ISHP-së lidhur me çështjet e mbrojtjes së fëmijëve në rrezik, politikat e reja për bashkëpunimin e institucioneve në nivel vendor për menaxhimin e rasteve të fëmijëve në rrezik, forcimin e inspektimeve duke përmirësuar monitorimin e punës së fëmijëve me fokus shëndetin e tyre dhe sigurinë në punë, si edhe përmirësimin e kuadrit ligjor për sigurinë dhe shëndetin në punë të fëmijëve.

KAPITULLI 4 E DREJTA PËR ZHVILLIM DHE ARSIM

E drejta e fëmijëve për zhvillim duke filluar që nga grup-mosha 0-3 vjeç, trajtohet për herë të parë në një plan kombëtar veprimi për fëmijë duke vazhduar më pas me fëmijët në kopshte dhe shkolla.

Politika për përfshirjen e fëmijëve në procesin e hartimit të programeve mësimore vjetore duhet të parashikohet edhe nëpërmjet akteve ligjore dhe nënligjore përkatëse duke siguruar që ata të jenë pjesë aktive e grupit të punës gjatë hartimit të kurrikulës dhe planeve të mësimin. Për këtë çështje në planin e veprimit janë parashikuar disa politika dhe masa konkrete, për rishikimin e kurrikulave dhe teksteve shkollore duke i afruar më shumë me fëmijët.

Kërkoheq që toleranca ndaj braktisjes shkollore të jetë zero, objektivi i cili do të arrihet me anë të programeve integruese në shkolla dhe programeve sociale në komunitet. Përfshirja në arsimin e të gjitha grupeve të fëmijëve, pavarësisht, gjendjes social-ekonomike të familjes, aftësive të tyre të kufizuara, përkatësisë në një grup etnik apo minoritar etj., është parashikuar të realizohet nëpërmjet përcaktimit të disa masave konkrete në përgjegjësi të qeverisjes qendrore dhe vendore.

Politikat e reja të ndërmarra në kuadër të reformës në arsim duhet të shoqërohen me ndryshimet e nevojshme në infrastrukturën shkollore, si dhe me përgatitjen e stafit pedagogjik në përshtatje me kurrikulat dhe mënyrat e reja të mësimdhënies.

Gjithashtu, plani i veprimit ka parashikuar në përmbajtjen e tij politika dhe masa të posaçme për:

a) forcimin e komunikimit dhe transparencën e pushtetit vendor me fëmijët dhe grupet e interesit, lidhur me politikat arsimore për fëmijët, politika që do të zbatohen në nivel rajonal;



b) përmirësimin e bashkëpunimit ndërmjet institucioneve të ndryshme në nivel vendor për t'iu përgjigjur me mirë nevojave të fëmijëve në përgjithësi dhe të fëmijëve në nevojë në veçanti, për të siguruar përfshirjen e të gjithë fëmijëve në sistemin e detyruar arsimor;

c) nxitjen e formave alternative të mbështetjes së fëmijëve romë e në nevojë të veçantë, si edhe të familjeve të tyre me qëllim arsimimin e tyre.

Plani i veprimit ka parashikuar masa me qëllim sigurimin e infrastrukturës së nevojshme dhe të përshtatshme shkollore, në zonat rurale, për të siguruar që procesi mësimdhënës të zhvillohet në cilësinë e duhur, përmirësimin e kushteve higjieno-sanitare, instalimin dhe funksionimin e sistemit të ngrohjes.

Një drejtim tjetër shumë i rëndësishëm që shërben për garantimin e arsimit cilësor të fëmijëve është edhe përmirësimi i mësimdhënies. Për të realizuar këtë objektiv janë parashikuar disa masa për rritjen e nivelit të kualifikimit të mësuesve si profesionistë dhe respektues të të drejtave të fëmijëve, vazhdimin e procesit të reformimit të karrierës së mësuesit, proces i cili ndikon thellësisht në rritjen e cilësisë së mësimdhënies.

Qeveria e nxënësve, si organ legjitim i fjalës dhe organizimit të nxënësve brenda shkollës, është e domosdoshme të ketë pavarësi dhe status të veçantë nga drejtoria e shkollës. Në këtë kuadër, në planin e veprimit janë përcaktuar masa, të cilat kërkojnë rishikimin e dispozitave normative, për t'i dhënë më shumë pavarësi qeverive të nxënësve.

Nga njësitë e qeverisjes vendore kërkohet që të organizojnë më shumë veprimtari ndërgjegjësuese për të drejtat e fëmijëve, jo vetëm brenda shkollës por edhe në komunitet, me iniciativën e vetë qeverive të nxënësve dhe të mbështeten këto iniciativa edhe në pikëpamjen financiare.

Gjykohet e arsyeshme që të organizohen aktivitete me qëllim shkëmbimin e eksperiencave dhe praktikave më të mira ndërmjet shkollave të ndryshme për sa i përket funksionimit të qeverive të nxënësve dhe pjesëmarrjes së tyre në jetën e komunitetit.

Strukturat e njësiteve të qeverisjes vendore, duhet të kenë në përbërjen e tyre këshilla, në të cilat edhe fëmijët marrin pjesë, ose këshilla të përbërë nga presidentët e qeverive të nxënësve të shkollave, si një detyrim moral dhe në zbatim të Konventës së Fëmijëve dhe kuadrit ligjor në Shqipëri për fëmijët, si dhe të krijohen kushtet për pjesëmarrje aktive të fëmijëve.

Plani i veprimit ka parashikuar në përmbajtjen e tij, shtrirjen e mëtejshme të veprimtarisë së qeverisë së nxënësve edhe në komunitet, duke bërë të mundur sjelljen në vëmendje të problemeve që kanë fëmijët në komunitet.

Informimi dhe sensibilizimi i fëmijëve, për të drejtat e tyre, njohja nga ana e fëmijëve dhe e stafit mësimdhënës nëpër shkolla, vazhdon të mbetet një masë që duhet të aplikohet edhe për periudhën 2012-2015.

Në mënyrë të detajuar, realizimi i së drejtës për arsim në harkun kohor të veprimit të kësaj strategjie, do të përfshijë realizimin e objektivave strategjikë:

1. Krijimi i një mjedisi që nxit zhvillimin e fëmijëve që në moshë të hershme;
2. Sistem arsimor gjithëpërfshirës dhe cilësor për fëmijët;
3. Rritja e pjesëmarrjes së fëmijëve në procesin vendimmarrës në shkollë dhe jashtë saj.

Objektivi strategjik 1 “Krijimi i një mjedisi që nxit zhvillimin e fëmijëve që në moshë të hershme” do të arrihet nëpërmjet nxitjes së qeverisjes vendore për të promovuar zhvillimin e hershëm të fëmijëve.

Realizimi i këtij objektivi kërkon fillimisht studimin e situatës dhe problematikave për zhvillimin e hershëm të fëmijëve 0-3 vjeç, hartimin e standardeve dhe programeve këshilluese për përmirësimin e shërbimit që u ofrohet fëmijëve 0-3 vjeç në çerdhe.

Objektivi strategjik 2 “Sistem arsimor gjithëpërfshirës dhe cilësor për fëmijët”, do të arrihet nëpërmjet objektivave: 1. Përmirësimi dhe konsolidimi i vazhdueshëm i sistemit arsimor publik

cilësor dhe falas, në nivelet e parashkollorit, arsimit të detyruar; 2. Gjithëpërfshirje në mësimnxënie pavarësisht gjendjes social-ekonomike të familjes, përkatësisë etnike, aftësisë së kufizuar apo vendndodhjes gjeografike; 3. Ulja e nivelit të braktisjes së shkollës.

Objektivi i parë kërkon rritjen e aksesit të fëmijëve në arsim parashkollor, ndërtimin e kopshteve të reja, rehabilitimin e atyre ekzistuese dhe plotësimin me pajisjet e domosdoshme për një funksionim dinjitoz, duke këmbëngulur në përmirësimin në vazhdimësi të kurrikulës shkollore, duke synuar shmangien e ngarkesave të tepërta, si dhe duke pasur në konsideratë zhvillimin e fëmijëve. Realizimi i këtij objekti kërkon krijimin dhe forcimin e infrastrukturës së përshtatshme mësimdhënëse në shkollat e arsimit të detyruar dhe arsimit të mesëm, me qëllim rritjen e efektivitetit në përvetësimin e kurrikulës arsimore që përmirësohet në mënyrë të vazhdueshme e shoqëruar me rritjen e kapaciteteve mësimdhënëse.

Objektivi i dytë synon rritjen e numrit të regjistrimit të fëmijëve romë, egjiptianë dhe me aftësi të kufizuar, në arsimin e detyruar, ndërtimin e kopshteve të reja në zonat e banuara nga popullsia rome, përfshirjen me prioritet të fëmijëve romë në arsimin parashkollor dhe mësimi i gjuhës shqipe për t'i përgatitur për klasën e parë, hartimin e një akti normativ që rregullon punën e individualizuar me fëmijë me nevoja të veçanta, si edhe rritjen e numrit të mësuesve asistentë që punojnë me fëmijët me aftësi të kufizuar.

Realizimi i objektit të tretë kërkon zbatimin e ligjit për arsimimin e detyrueshëm, kthimin në shkollë të fëmijëve që nuk e kanë përfunduar (pra braktisur atë) dhe ofrimin e alternativave të formimit profesional për të rinjtë në moshë pune, hartimin e programeve të veçanta pune në nivel klase dhe shkolle, me qëllim sensibilizimin e prindërve dhe fëmijëve për rëndësinë e shkollimit, dhe për kthimin në shkollë të fëmijëve jashtë sistemit arsimor, identifikimin e fëmijëve që braktisin shkollën dhe zhvillimin e programeve dhe projekteve për të parandaluar fenomenin dhe rikthimin në shkollë të tyre, identifikimin e saktë të fëmijëve të ngujuar si pasojë e gjakmarrjes, si dhe zbatimin e programeve arsimore dhe projekteve në ndihmë të këtij kontingjenti fëmijësh me qëllim garantimin e së drejtës së tyre për arsimim.

Objektivi strategjik 2 “Rritja e pjesëmarrjes së fëmijëve në procesin vendimmarrës në shkollë dhe jashtë saj” kushtëzohet nga objektivat: 1. Pjesëmarrja e vazhdueshme dhe cilësore e fëmijëve në vendimmarrjet për mënyrën e zhvillimit të procesit mësimor, si dhe në veprimtaritë brenda dhe jashtë shkollës; 2. Promovimi i të drejtave të fëmijëve.

Rritja e pjesëmarrjes së fëmijëve në vendimmarrje kërkon plotësimin e akteve normative të funksionimit të shkollës, të cilat i njohin të drejtën fëmijëve të jenë pjesëmarrës në vendimmarrjet që lidhen me procesin mësimor, veprimtaritë brenda dhe jashtë shkollës, si dhe të përcaktohen instrumentet dhe modalitetet që do të bëjnë efektive këtë pjesëmarrje në disa drejtime si:

- a) informimin dhe marrjen e vendimeve së bashku me trupin pedagogjik;
- b) të marrin përgjegjësi kundrejt vetvetes, shkollës, familjes dhe komunitetit;
- c) të praktikojnë forma të delegimit dhe përfaqësimit;
- d) të marrin pjesë në bordet drejtuese të shkollës, si edhe në monitorimin e zgjedhjes dhe të funksionimit të qeverisë së nxënësve.

KAPITULLI 5 E DREJTA PËR KUJDES SHËNDETËSOR

E drejta për kujdes shëndetësor, në harkun kohor pesëvjeçar do të realizohet nëpërmjet arritjes së katër objektivave strategjikë:

1. Sigurimi i kujdesit esencial shëndetësor për nënën dhe fëmijën;
2. Parandalimi i keqshqyerjes, obezitetit dhe mbipeshës te fëmijët;
3. Parandalimi i sëmundjeve ngjitëse dhe reduktimi i nivelit të sëmundjeve kryesore të fëmijërisë;



4. Kontrolli dhe parandalimi i HIV/AIDS-it dhe IST.

Arritja e secilit nga rezultatet udhëhiqet nga disa objektiva, të cilët në vetvete përfshijnë një listë të gjerë masash komplekse.

Arritja e sigurimit të kujdesit esencial shëndetësor për çdo foshnjë të porsalindur (objektivi strategjik 1) është një standard i domosdoshëm për uljen e vdekshmërisë foshnjore. Për arritjen e këtij rezultati është e nevojshme të arrihen objektivat: 1. Monitorimi dhe vlerësimi i shërbimeve shëndetësore për nënën dhe foshnjën e porsalindur; 2. Të sigurohet që çdo institucion kujdesi shëndetësor për nënën dhe fëmijën, të ofrojë kujdes efektiv dhe bashkëkohor për ushqyerjen me gji, duke zbatuar 10 hapat për një ushqyerje të suksesshme me gji.

Me qëllim realizimin e objektivit të parë, plani i veprimit tërheq vëmendjen mbi monitorimin, vëzhgimin, si edhe auditimin e cilësisë së shërbimit të kujdesit neonatal nga shërbimet e kujdesit në maternitet, si dhe trajnimin e personelit që ofron kujdes obstetrikal dhe neonatal mbi praktikën e kujdesit për foshnjën e porsalindur. Ndër treguesit kryesorë që përcaktojnë arritjen e këtij rezultati strategjik janë numri i institucioneve shëndetësore të akredituara, si dhe numri i punonjësve të trajnuar mbi kujdesin për të porsalindurit.

Për arritjen e objektivit të dytë, kërkohet që të përforcohet zbatimi i ligjit për mbrojtjen dhe nxitjen e ushqyerjes me gji, nxitjen e të gjitha shërbimeve të maternitetit në vend që të promovojnë praktikën më të mira të iniciativës “Spitale mike të fëmijës” të OBSH/UNICEF-it, që përputhen me 10 hapat e ushqyerjes me gji, nxitjen e pjesëmarrjes së medias për të paraqitur ushqyerjen e shëndetshme me gji, si edhe përfshirjen e treguesve të ushqyerjes me gji në sistemin e monitorimit dhe vlerësimit të punës së institucioneve të kujdesit shëndetësor për nënën dhe fëmijën. Arritja e këtij objektivi do të ndikojë ndjeshëm në përmirësimin e treguesve shëndetësorë, si të nënës ashtu dhe të fëmijës.

Objektivi strategjik 2 “Parandalimi i kequshqyerjes, obezitetit dhe mbipeshës te fëmijët, ushqyerja e shëndetshme” tërheq vëmendjen mbi të gjitha çështjet që lidhen me ushqyerjen e shëndetshme për fëmijët. Aktualisht, ushqimi i fëmijëve mbetet një ndër problemet kryesore për shëndetin e fëmijëve. Ky rezultat synon garantimin e ushqyerjes së shëndetshme për fëmijët dhe do të arrihet nëpërmjet objektivit: 1. Zbatimi i programeve kombëtare për të promovuar të ushqyerit e shëndetshëm, aktivitetin fizik të fëmijëve “*gender sensitive*”. Hartimi i programeve kombëtare, që synojnë të promovojnë të ushqyerit e shëndetshëm, aktivitetin fizik, duke marrë parasysh anën gjinore, si dhe organizimin e aktiviteteve promovionale shëndetësore për ndërgjegjësimin e familjeve dhe komunitetit për mënyrat e shëndetshme të ushqyerjes dhe aktivitetit fizik të fëmijët. Produktet e arritjes së këtij objektivi janë përmirësimi i gjendjes ushqimore të fëmijët, si dhe pakësimi i numrit të fëmijëve të kequshqyer.

Realizimi i të vetmit objektiv të këtij rezultati parashikon zbatimin e një sërë masash që lidhen me politika shëndetësore, politika sociale dhe politika ndërgjegjësimi. Studimi dhe vlerësimi i situatës paraprakisht nga mjekët e kopshteve dhe të shkollave për kequshqyerjen, mbipeshën dhe obezitetin, ofrimi i kujdesit të specializuar individual dhe me bazë gjinore, sigurimi i mbështetjes emocionale për fëmijët e kequshqyer, mbipeshë dhe obezë, si edhe përfshirja në kurrikulat shkollore të edukimit e informacionit mbi ushqyerjen e shëndetshme të fëmijëve, janë disa nga masat që synojnë parandalimin e kequshqyerjes dhe të pasojave të saj negative në të ardhmen.

Gjithashtu, rritja e aktivitetit fizik të fëmijëve në programet shkollore dhe në lëndët jashtë programit, përcaktimi i udhëzuesve dietikë për fëmijët, sipas nevojave që ato kanë në lidhje me moshën dhe gjininë, përgatitja e protokolleve të unifikuara për ndjekjen e rregullt të rritjes dhe zhvillimit të fëmijëve nga personeli i kujdesit shëndetësor parësor, trajnimi i punonjësve të kujdesit shëndetësor lidhur me ushqyerjen dhe këshillimin për ushqyerjen, përfshirja e treguesve lidhur me ushqyerjen e fëmijës në sistemin e monitorimit të performancës së qendrave shëndetësore, si edhe organizimi i fushatave nxitëse në media për ushqyerjen e shëndetshme të fëmijët dhe adoleshentët,

plotësojnë kuadrin e veprimit për arritjen e ndërgjegjësimit të shoqërisë, të komunitetit, si edhe të vetë familjeve për domosdoshmërinë e ushqyerjes së shëndetshme.

Objektivi strategjik 3 “Parandalimi i sëmundjeve ngjitëse dhe reduktimi i nivelit të sëmundjeve kryesore të fëmijërisë” synohet të arrihet nëpërmjet vaksinimit të plotë e në kohë të të gjithë fëmijëve sipas kalendarit kombëtar të vaksinimit, vendosjes së një sistemi të unifikuar për monitorimin e cilësisë dhe sistemit të survejimit për imunizimin e popullsisë, monitorimit të rritjes dhe zhvillimit të fëmijëve 0-5 vjeç, si dhe zgjerimi i modelit MISF (menaxhimi i integruar i sëmundjeve të fëmijërisë). Arritja e këtij objektivi do të ndikojë në rritjen e mbulesës vaksinale te fëmijët, si dhe në pakësimin e nivelit të sëmundjeve kryesore të fëmijërisë.

Arritja e këtij rezultati udhëhiqet nga objektivat: 1. Vaksinimi i plotë në kohë i të gjithë fëmijëve sipas kalendarit kombëtar të vaksinimit. Monitorimi i cilësisë së vaksinave dhe survejimi për imunizim i popullatës; 2. Monitorimi i rregullt i rritjes dhe zhvillimit të fëmijëve 0-5 vjeç nga personeli i kujdesit shëndetësor parësor në qendrat shëndetësore dhe këshillimoret e fëmijës; 3. Zgjerimi i modelit të MISF-së (menaxhimi i integruar i sëmundjeve të fëmijërisë) për ndjekjen dhe trajtimin e fëmijëve 0-5 vjeç në të gjitha shërbimet e KSHP-së të kujdesit për fëmijën.

Vaksinimi i plotë dhe në kohë i të gjithë fëmijëve sipas kalendarit përkatës, do të arrihet nëpërmjet rritjes së mbulesës vaksinale te fëmijët, zgjerimit të skemës së kalendarit të vaksinimit nëpërmjet rritjes së vaksinave të reja, si edhe të përfshirjes në kalendarin e vaksinimit të grupeve të marginalizuara (p.sh. popullata rome).

Vendosja e një sistemi të unifikuar për monitorimin e cilësisë së imunizimit në të gjithë popullsinë kërkon zbatimin e programeve kombëtare për vaksinimin që u targetohen nënave me status të ulët social-ekonomik dhe arsim të ulët, përmirësimin e vazhdueshëm të sistemit të zinxhirit ftohës dhe trajnimit të personelit përkatës për ruajtjen sa më efektive të vaksinave, si edhe organizimin e kontrolleve periodike të situatave epidemiologjike për sëmundjet infektive dhe joinfektive.

Monitorimi i rregullt i rritjes dhe zhvillimit të fëmijëve 0-5 vjeç nga personeli i kujdesit shëndetësor parësor në qendrat shëndetësore dhe këshillimoret e fëmijës parashikon përcaktimin e protokolleve të unifikuara, rregulloreve etj., për monitorimin e rregullt të rritjes dhe zhvillimit të fëmijës, si edhe trajnimin e vazhdueshëm të personelit shëndetësor lidhur me monitorimin e rritjes, zhvillimit, si dhe përmirësimin e aftësive këshilluese lidhur me shëndetin e fëmijës.

Parandalimi i problemeve të rritjes, zhvillimit dhe reduktimi i nivelit të sëmundjeve kryesore të fëmijërisë nëpërmjet strategjisë së MISF-së (menaxhimi i integruar i sëmundjeve të fëmijëve) do të arrihet kryesisht nëpërmjet monitorimit të rregullt të rritjes dhe zhvillimit të fëmijëve 0-5 vjeç nga personeli i kujdesit shëndetësor parësor në qendrat shëndetësore dhe këshillimoret e fëmijës, si dhe trajnimit të personelit shëndetësor lidhur me ndjekjen e rritjes dhe zhvillimin e fëmijës. Zbatimi i këtij objektivi do të ndikojë në uljen e vdekshmërisë dhe sëmundshmërisë foshnjore dhe feminare, rritjen dhe zhvillimin e shëndetshëm të fëmijëve dhe përmirësimin e cilësisë së kujdesit shëndetësor të ofruar nga shërbimet e KSHP-së për shëndetin e fëmijëve.

Objektivi strategjik 4 “Kontrolli dhe parandalimi i HIV/AIDS-it dhe IST-së (infeksionet seksualisht të transmetueshme) te fëmijët” është një ndër prioritetet më kryesore në garantimin e mbrojtjes së shëndetit të fëmijëve. Ky rezultat udhëhiqet nga objektivi “Parandalimi dhe ulja e rasteve të HIV/AIDS-it dhe IST-së te fëmijët”. Ky objektivi mund të realizohet në sajë të përcaktimit dhe ngritjes së qendrave të referencës nëpër maternitete për parandalimin e transmetimit të HIV/AIDS-it nga nëna te fëmija, përfshirjes së informacionit mbi HIV/AIDS-in në kurrikulat shkollore dhe ofrimit të informacionit mbi parandalimin e HIV/AIDS-it dhe IST-së në publik dhe në veçanti për grupet në rrezik. Rezultatet e zbatimit të plotë të këtij objektivi janë ulja e rasteve të HIV/AIDS-it dhe IST-së te fëmijët dhe sensibilizimi i fëmijëve për rrezikun e HIV/AIDS-it dhe IST-së.



Ndonëse në planin e veprimit nuk përcaktohen masa të veçanta në lidhje me parandalimin e dhunës, aksidenteve e dëmtimeve fizike e psikologjike të fëmijëve, kjo çështje, meqenëse konsiderohet si ndërinstucionale nënvizohet si objektiv në vëmendje të disa institucioneve. Dhuna, aksidentet, traumat dhe dëmtimet në shtëpi, familje, komunitet, përbëjnë aktualisht një fenomen të përhapur të fëmijët, ndaj parandalimi i tyre paraqet rëndësi të veçantë. Kjo do të arrihet kryesisht në sajë të një fushate për ndërgjegjësimin mbi rrezikun e drejtimit të automjeteve nën influencën e alkoolit, drogave dhe hartimit të protokolleve për menaxhimin e fëmijëve dhe adoleshentëve që vuajnë nga pasojat e dhunës në familje në shërbimet e kujdesit shëndetësor për fëmijën. Arritja e këtij objektiv do të ndikojë në uljen e vdekshmërisë, sëmundshmërisë dhe paafësive të fëmijët, të shkaktuar nga dhuna, trauma dhe aksidentet.

KAPITULLI 6 E DREJTA PËR MBROJTJE LIGJORE

Reforma në drejtësinë për të mitur ka njohur progres gjatë viteve të fundit. Ministria e Drejtësisë është angazhuar në hartimin e një strategjie të re sektoriale për drejtësinë për të mitur, e cila do të ketë për qëllim trajtimin e të gjitha problemeve ligjore që hasin fëmijët në Shqipëri.

Vazhdimësia e politikave ekzistuese, si edhe hartimi i politikave të reja në fushën e drejtësisë për të miturit, synojnë në arritjen e disa objektivave strategjikë:

1. Mbrojtja e fëmijëve në konflikt me ligjin;
2. Sigurimi i mbrojtjes së duhur për fëmijët nën moshën 14 vjeç, në konflikt me ligjin;
3. Mbrojtja e fëmijëve viktime dhe dëshmitarë të krimit.

Arritja e objektivit strategjik 1 “Mbrojtja e fëmijëve në konflikt me ligjin” kërkon realizimin e objektivave që lidhen me: 1. Rritjen e efikasitetit të procedimeve ligjore ndaj të miturve, si dhe shkurtimin e afateve kohore të tyre; 2. Rritjen e përdorimit të masave alternative të dënimit me burgim dhe efikasitetit të ekzekutimit të vendimeve penale për të mitur; 3. Rehabilitimin dhe riintegrimin e fëmijëve në konflikt me ligjin.

Rritja e efikasitetit të procedimeve ligjore ndaj të miturve, si edhe shkurtimi i afateve kohore të tyre është një proces kompleks, që do të realizohet nëpërmjet përmirësimit të aksesit në sistemin e drejtësisë nëpërmjet krijimit të seksioneve të të miturve në të gjitha gjykatat e shkallës së parë. Krijimi i gjashtë seksioneve të të miturve ka qenë një hap pozitiv në drejtim të krijimit të një trupe të specializuar për gjykimin e të miturve. Në të njëjtën kohë, ka vështirësuar ndjeshëm aksesin në drejtësi, për familjet dhe fëmijët (në përgjithësi me një situatë ekonomike të rënduar) që detyrohen të largohen nga qyteti i tyre për ndjekjen e procesit gjyqësor. Kjo ka krijuar mjaft probleme, si financiare po ashtu dhe të vonësive në procedurat e hetimit dhe gjykimin. Pasja e seksioneve të të miturve në çdo gjykatë (përfshi dhe gjykatat me numër të vogël rastesh, ku gjykatësi mund të trajtojë dhe raste të tjera në varësi të ngarkesës) do ta përmirësonte ndjeshëm këtë anomali. Sigurisht trajnimi i gjyqtarëve dhe prokurorëve për të mitur me praktikën më të mira në administrimin e drejtësisë për të mitur mbetet një prioritet edhe në këtë plan veprimi.

Objektivi 2 “Rritja e përdorimit të masave alternative të dënimit me burgim dhe efikasitetit të ekzekutimit të vendimeve penale për të mitur” do të arrihet nëpërmjet rritjes së efikasitetit të zbatimit të dënimeve alternative për të miturit në të gjithë territorin nëpërmjet forcimit të shërbimit të provës. Shërbimi i provës që zbaton dënime alternative, ka nevojë të zgjerojë prezencën e tij në të gjithë territorin, si dhe të përmirësojë cilësinë e dhënies së shërbimit.

Rritja e aplikimit të praktikave më të mira në zbatimin e dënimeve alternative për të mitur, kërkon hartimin e rregulloreve e protokolleve të veçanta për zbatimin e këtyre masave.

Ligji i ri për ndërmjetësimin rregullon licencimin e ndërmjetësve, si dhe detyron krijimin e një dhome për të miturit. Licencimi është në proces dhe krijimi i dhomës së ndërmjetësve është një masë që pritet të realizohet brenda 2012-ës.

Në objektivin 3 “Rehabilitimi i të miturve në konflikt me ligjin” synohet përmirësimi i kuadrit ligjor për dhënien dhe ekzekutimin e vendimeve penale për të mitur. Në nenin 5 të ligjit nr. 8331, datë 21.4.1998 “Për ekzekutimin e vendimeve penale” përcaktohet qartë që: “Ekzekutimi i vendimeve për të miturit dhe gratë bëhet në vende dhe në mënyra të veçanta e favorizuese”. Aktualisht vepron vetëm një IEVP ndaj të miturve në Kavajë, por nevojitet krijimi i institucioneve të tjera në mënyrë që të miturit të mos vuajnë më dënimin nëpër seksionet e IEVP-ve siç është vepruar deri më sot, por në IEVP-të e specializuara për ta. Në këtë mënyrë kushtet e dënimit do të ishin më të përballueshme për të miturit dhe rehabilitimi i tyre në shoqëri do të lehtësohej ndjeshëm. Krijimi i institucioneve të ekzekutimit të vendimeve penale për të mitur, vendosja e treguesve të matshëm për vlerësimin e cilësisë së shërbimeve në këto IEVP, si edhe sigurimin e arsimit dhe të edukimit të fëmijëve në institucionet e paraburgimit dhe në burgje, janë disa masa të tjera të parashikuara në planin e veprimit.

Objektivi strategjik 2 “Sigurimi i mbrojtjes së duhur për fëmijët nën moshën 14 vjeç në konflikt me ligjin” përbën një shqetësim të vazhdueshëm. Përfshirja në aktivitetet kriminale të të miturve nën 14 vjeç, të cilët për shkak të moshës nuk trajtohen nga sistemi i drejtësisë, mbetet një problem. Me qëllim mbrojtjen sa më efektive të fëmijëve të kësaj kategorie, si dhe për arsimimin e tyre do të hartohet një projektligj “Për masat edukative për fëmijët nën 14 vjeç në konflikt me ligjin”.

Realizimi i këtij rezultati kërkon: 1. Plotësim të kuadrit ligjor për fëmijët në konflikt me ligjin nën moshën (14 vjeç) e përgjegjësive penale; 2. Ndikim i drejtpërdrejtë në rehabilitimin e tyre në shoqëri. Plani i veprimit parashikon se hartimi i një projektligji për masat edukative për fëmijët nën 14 vjeç në konflikt me ligjin, ngritja e shërbimeve të reja që kanë për qëllim ofrimin e shërbimeve të nevojshme, sigurimi i përkujdesjes së duhur psikologjike për fëmijët e kësaj kategorie, si edhe vendosja e treguesve për matjen e rrezikut të përhapjes së aktiviteteve kriminale për fëmijët e kësaj kategorie, do të mundësojnë arritjen e objektivave të mësipërm.

Objektivi strategjik 3 “Mbrojtja e fëmijëve viktime dhe dëshmitarë të krimit” kushhtëzohet nga objektivat: 1. Përmirësimi i kuadrit ligjor lidhur me mbrojtjen e fëmijëve viktime dhe dëshmitarë të krimit; 2. Përmirësimi i trajtimit të të miturve si viktime dhe dëshmitarë.

Në planin e veprimit parashikohen masa për ndryshime në Kodin e Procedurës Penale, lidhur me trajtimin e të miturve si viktime dhe dëshmitarë të krimit, hartimin e protokolleve të trajtimit të të miturve si viktime dhe dëshmitarë, përshtatjen e ambienteve të policisë kur intervistohen dhe mbahen të miturit, trajnimin e gjykatësve, prokurorëve, policisë gjyqësore, avokatëve dhe punonjësve socialë.

Vlerësime përfundimtare: Probleme kritike dhe masa të karakterit të përgjithshëm që lidhen me efektivitetin e zbatimit të planit të veprimit

Me qëllim rritjen e bashkëpunimit me institucionet e qeverisë lokale (qark, bashki e komunë), si edhe për ndërgjegjësimin e shoqërisë në lidhje me çështjet e të drejtave të fëmijëve, kërkohet që në vazhdimësi, institucionet përgjegjëse të ngarkuara për zbatimin e planit të veprimit:

1. Të nxisin ngritjen e njësive për mbrojtjen e fëmijëve në bashki/komunë, strukturë e rëndësishme në nivel lokal për menaxhimin e rasteve të fëmijëve në rrezik;
2. Të bashkëpunojnë me ASHMDF, njësiti për mbrojtjen e të drejtave të fëmijëve qark, bashki/komunë për të garantuar realizimin e të drejtave të fëmijëve;
3. Të rrisin bashkëpunimin ndërmjet përfaqësuesve të pushtetit në nivel qendror dhe në nivel vendor;
4. Të tërheqin vëmendjen e hartuesve të politikave mbi domosdoshmërinë e përfshirjes së të drejtave të fëmijëve në politikat dhe strategjitë rajonale, duke siguruar edhe financimet përkatëse.



Komponent i rëndësishë së veçantë mbetet promovimi i të drejtave të fëmijëve dhe tërheqja, pjesëmarrja aktive e vetë fëmijëve në përpjekjen për realizimin e të drejtave të tyre. Në mënyrë që mbrojtja e të drejtave të fëmijëve të jetë sa më efektive duhet që këta të fundit, si dhe të rriturit të jenë të ndërgjegjshëm për ta. Rol kyç në këtë proces duhet të luajnë institucionet arsimore, si dhe mediat. Për këtë arsye miratimi i planit të veprimit do të shoqërohet nga një fushatë promovuese, në qendër të së cilës janë vetë fëmijët. Zhvillimi i një fushatë të tillë, synon ndërgjegjësimin e publikut të gjerë mbi të drejtat e fëmijëve në përgjithësi, si dhe mbi planin e veprimit për fëmijët, 2012-2015, në veçanti.

Pavarësisht nga vendi që zë komponenti shoqëror në përpjekjet për të zbatuar planin e veprimit për fëmijët dhe të drejtat e fëmijëve në përgjithësi, çështja e të drejtave të fëmijëve kërkon angazhim serioz institucional, në radhë të parë të institucioneve që hartojnë politika, jo vetëm sociale, por edhe ekonomike e të zhvillimit.

Decentralizimi financiar dhe mundësitë reale të pushtetit vendor për hartim dhe zbatim të politikave rajonale; rritja e rolit të pushtetit vendor dhe pjesëmarrja qytetare në respektimin e të drejtave të fëmijëve përfaqësojnë sfida të përgjithshme, por të domosdoshme të zhvillimit të politikave të të drejtave të fëmijëve. Këto sfida kërkojnë pjesëmarrjen e motivuar të të gjithë aktorëve edhe të hartuesve të politikave, edhe të zbatuesve të politikave, edhe të organizatave të shoqërisë civile, edhe të institucioneve qeveritare, joqeveritare e të biznesit privat, edhe të mediave, edhe të vetë fëmijëve, të qytetarëve dhe të gjithë shoqërisë shqiptare, sepse:

1. Të gjithë mund të luajnë rolin e tyre edhe si qytetarë, edhe si familjarë, edhe si ofrues dhe realizues shërbimesh, edhe të tria së bashku;
2. Nëse veprimet nuk janë të përbashkëta, të gërshetuara dhe të harmonizuara, rezultati i kërkuar nuk do të arrihet asnjëherë;
3. Çështja e fëmijëve është çështje e të gjithëve, sepse fëmijët jo vetëm nuk mund t'i zgjidhin vetë problemet e tyre, por janë motivi kryesor i punës dhe luftës tonë si familjarë dhe janë garancia më e fuqishme e ndërtimit të një të ardhmeje për këtë vend.

PLANI I VEPRIMIT PËR FËMIJË, 2012-2015

OBJEKTIVAT	MASAT	INSTITUCIONET PËRGJEGJËSE/ BASHKËPUNUESE	AFATI	BURIMET E ZBATIMIT (milion lekë)	TREGUESIT
E drejta për mbrojtje dhe përfshirje sociale					
Objektivi strategjik: 1. Rritja e rolit të njërive të qeverisjes vendore, në vlerësimin e nevojave të fëmijëve në raport me realizimin e të drejtave të tyre dhe zbutjen e varfërisë					
1. Hartimi dhe vlerësimi i politikave rajonale për çdo qark, për realizimin e të drejtave të fëmijëve, duke marrë parasysh gjendjen ekonomiko-sociale të rajonit.	1.1 Hartimi dhe miratimi i strategjive rajonale për mbrojtjen e të drejtave të fëmijëve. 1.2 Monitorimi dhe vlerësimi i zbatimit të politikave për të drejtat e fëmijëve në çdo njësi administrative të qarkut. 1.3 Rritja e buxheteve për politikën sociale rajonale që ndikojnë në zbatimin e të drejtave të fëmijëve.	Këshillat e qarqeve, NJDF, ASHMDF, Komisioneri për Mbrojtjen nga Diskriminimi, observatorët e të drejtave të fëmijëve në qarqe	2012-2014 Çdo vit Çdo vit	Buxheti i qeverisjes vendore, UNICEF	1. Numri i qarqeve që kanë miratuar strategji rajonale për të drejtat e fëmijëve. 2. Numri i raporteve të progresit dhe vlerësimit të zbatimit të strategjive. 3. Përqindja e rritjes së buxhetit për fëmijë në fushën e arsimit, shëndetësisë, mbrojtjes sociale në çdo qark.



<p>2. Hartimi i politikave për zbutjen e varfërisë dhe përjashtimin social të fëmijëve në nevojë.</p>	<p>2.1 Pilotimi në disa njësi vendore, i një skeme të re të ndihmës për fëmijët që ndjekin arsimin e detyrueshëm, familjet e të cilëve janë në skemën e NE-së. 2.2 Rritja e kapaciteteve të NJDF-së, si edhe strukturave të tjera të qeverisjes vendore (zyrat e ndihmës ekonomike) në lidhje me zbatimin më efektiv të ndihmës ekonomike në raport me të drejtat e fëmijëve</p>	<p>MPÇSSHB NJQV NJDF UNICEF</p>	<p>2012 2012</p>	<p>Buxheti i shtetit, brenda fondit për NE-në.</p>	<p>1. Numri i NJQV për pilotim. 2. Hartimi i akteve nënligjore në zbatim të ndryshimeve të ligjit nr. 9355, datë 5.12.2006 për pilotimin. 3. Numri i NJDF dhe stafit të zyrave të NE në NJQV, të trajnuar.</p>
<p>Objektivi strategjik: 2. Reformimi i sistemit të shërbimeve sociale për fëmijë</p>					
<p>1. Deinstitutionalizimi, transformimi i shërbimeve rezidenciale në tipologji të reja shërbimesh.</p>	<p>1.1 Ngritja e shërbimeve ditore dhe komunitare për fëmijë, në qendrat rezidenciale të njërive të pushtetit vendor, sipas nevojave të komunitetit. 1.2 Transformimi fizik i godinave ekzistuese të shërbimit rezidencial, në formën shtëpi-familje. 1.3 Shtrirja e tipologjisë shtëpi-familje në shërbimet rezidenciale të transferuara pranë NJQV.</p>	<p>MPÇSSHB, SHSSH, NJQV, OJF</p>	<p>2012-2015</p>	<p>Viti 2012 – 121.9 Viti 2013 – 106.4 Viti 2014 – 124.0</p>	<p>1. Numri i shërbimeve të reja për fëmijë. 2. Transformimi i qendrave rezidenciale në Sarandë, Shkodër, Tiranë, Vlorë, Korçë. 3. Numri i shtëpive familje në shërbimet rezidenciale dhe numri i fëmijëve që trajtohen aty.</p>

<p>2. Përmirësimi i cilësisë së shërbimeve sociale për fëmijë.</p>	<p>2.1 Vlerësimi i zbatimit të standardeve të përkujdesjes shoqëror për fëmijë në qendrat rezidenciale.</p> <p>2.2 Hartimi i standardeve për tipologjitë e reja të shërbimeve të përkujdesjes shoqërore për fëmijë.</p> <p>2.3 Mbështetja me fonde dhe ekspertizë e 14 shërbimeve rezidenciale të decentralizuara e të transferuara në pushtetin vendor në rrethet Tiranë, Korçë, Shkodër, Lezhë, Durrës, Vlorë, Berat, Sarandë.</p>	<p>Inspektorati i Shërbimeve Shoqërore NJQV, MPÇSSHB OJF</p>	<p>Çdo vit</p> <p>.</p> <p>2012-2015</p>	<p>Viti 2012- 1.8 Viti 2013 – 1.8 Viti 2014 – 1.9</p>	<p>1. Raportet e inspektoratit të shërbimeve. 2. Standardet e reja të miratuara.</p>
<p>3. Zgjerimi i hartës së shërbimeve për fëmijë Bashkëpunim me NJQV dhe donatorë të ndryshëm për ngritjen e shërbimeve të reja</p>	<p>3.1 Mbledhja e të dhënave dhe krijimi i një databaze rreth shërbimeve sociale që ofrohen sipas qarqeve dhe bashkive përkatëse.</p> <p>3.2 Nxitja e Njësive të Qeverisjes Vendore për hartimin e planeve zonale, ku përcaktohen edhe nevojat e shërbimeve për fëmijë.</p> <p>3.3 Marrëveshje dhe kontrata bashkëpunimi me donatorët për ngritjen e shërbimeve të reja për fëmijë, bazuar në hartën e nevojave për shërbim.</p>	<p>MPÇSSHB, NJQV, UNICEF</p>	<p>2012</p> <p>2012-2015</p>	<p>Digjitalizimi i sistemit të mbrojtjes sociale.</p> <p>Viti 2012- 0.09 Viti 2013 – 0.6</p>	<p>1. Harta e shërbimeve sociale në nivel kombëtar dhe sipas NJQV. 2. Planet zonale ku përcaktohen nevojat e komunitetit për shërbimet për fëmijë. 3. Numri i kontratave të lidhura të NJQV me ofrues shërbimesh për fëmijë.</p>



4. Mbrojtje alternative për fëmijët e privuar nga kujdesi prindëror.	4.1 Vlerësim i procesit të pilotimit të shërbimit të kujdestarisë.	MPÇSSHB UNICEF	2012	Buxheti i shtetit	1. Raporti i vlerësimit të pilotimit. 2. Vendime të Këshillit të Ministrave të miratuara. 3. Numri i Komiteteve të vlerësimit të ngritura. 4. Numri i familjeve kujdestare të trajnuara. 5. Numri anëtarëve të komisioneve të trajnuar 6. Numri i fëmijëve të birësuar. 7. Monitorime periodike nëpër institucione publike dhe jopublike për zbatimin e afateve ligjore për fillimin e procedurave për birësim. 8. Hartimi i standardeve të shërbimit të birësimit. 9. Monitorime të periudhës pasbirësuese.
	4.2 Miratimi i projektvendimit të Këshillit të Ministrave “Përcaktimi i kriterëve dokumentacionin dhe procedurën e shërbimit të kujdestarisë”.	MPÇSSHB	2012		
	4.3 Ngritja e Komiteteve të vlerësimit të familjeve kujdestare në 6 bashki	NJQV SHSSH	2013		
	4.4 Arsimimi dhe formimi profesional i familjeve kujdestare.	SHSSH	2013-2015		
	4.5 Trajnim anëtarëve të komisioneve që përzgjedhin familjen kujdestare, gjykatësve, punonjësve socialë etj.	SHSSH, UNICEF	2013-2015		
	4.6 Sistemimi i fëmijëve në familje nëpërmjet birësimit brenda dhe jashtë vendit.	KSHB	2012-2013		
	4.7 Përmirësimi i shërbimit të birësimit, në funksion të mbrojtjes së të drejtave të të miturve.	MD KSHB	2012-2013		

Objektivi strategjik: 3. Harmonizimi i politikave për të drejtat e fëmijëve nëpërmjet funksionimit të mekanizmave për mbrojtjen e të drejtave të fëmijëve në nivel qendror dhe vendor (Këshilli Kombëtar për të Drejtat e Fëmijëve, Ministri që bashkërendon punën për çështjet e mbrojtjes së të drejtave të fëmijëve, Agjencia Shtetërore për Mbrojtjen e të Drejtave të Fëmijëve, NJDF në qarqe)					
1. Monitorimi dhe vlerësimi i implementimit të politikave për realizimin e të drejtave të fëmijëve.	1.1 Hartimi i raporteve periodike të vlerësimit të realizimit të të drejtave të fëmijëve dhe paraqitja për diskutim në Këshillin Kombëtar për Mbrojtjen e të Drejtave të Fëmijëve.	ASHMDF Ministritë e linjës NJQV, shoqëria civile	Çdo vit	1. MPCSSH Viti 2012– 3.6 Viti 2013– 4.9 Viti 2014–5.04	1. Raportet vjetore të gjendjes së realizimit të të drejtave të fëmijëve. 2. Mbledhjet e KKDF për të diskutuar mbi situatën e të drejtave të fëmijëve në vend, çdo 6 muaj. 3. Rekomandimet e dala nga mbledhja e KKDF. 4. Numri i <i>workshop</i> -eve për qark lidhur me ligjin e ri për të drejtat e fëmijëve dhe aktet e tij nënligjore. 5. Numri i trajnimeve për stafin e ASHMDF. 6. Rritja e numrit të stafit të ASHMDF.
	1.2 Përmirësimi i politikave për mbrojtjen e të drejtave të fëmijëve, zbatueshmërisë së tyre dhe bashkëpunimit institucional, mbështetur në rekomandimet e Këshillit Kombëtar për Mbrojtjen e të Drejtave të Fëmijës, apo nga vlerësimi i gjendjes së respektimit/mbrojtjes së të drejtave të fëmijës.	KKDF MPCSSHB ASHMDF	Çdo 6 muaj	Monitorimi i Strategjisë së re kombëtare të fëmijëve Viti 2012 – 1.6 Viti 2013 – 2.3 Viti 2014 – 2.6	
	1.3 Organizimi i <i>workshop</i> -eve në çdo qark me aktorë të ndryshëm (shëndetësia, policia, arsimit, shërbimet sociale, drejtësia, OJF, fëmijë) lidhur me kuadrin e ri ligjor për mbrojtjen e të drejtave të fëmijëve.	ASHMDF, NJQV, donatorë	Në vazhdimësi		
	1.4. Rritja e numrit të stafit dhe ngritja e kapaciteteve të personelit të Agjencisë Shtetërore për Mbrojtjen e të Drejtave të Fëmijëve për monitorimin e zbatueshmërisë së ligjit dhe vlerësimin e situatës së realizimit të të drejtave në vend.		Në vazhdimësi		



2. Ngritja e një sistemi të unifikuar treguesish statistikorë për vlerësimin e realizimit të të drejtave të fëmijëve dhe përjashtimin social të fëmijëve në nivel kombëtar dhe në nivel qarku.	2.1 Miratimi i aktit nënligjor që përcakton llojin, informacionin statistikor për realizimin e të drejtave të fëmijëve dhe mënyrën e përcjelljes së këtij informacioni nga pushteti vendor në ASHMDF.	MPCSSHB ASHMDF	Mars 2012	Buxheti i shtetit UNICEF	1. Akti nënligjor i miratuar. 2. Institucionet përgjegjëse përcjellin informacionin statistikor të kërkuar në ASHMDF. 3. Numri trajnimeve të sektorit të statistikës në ASHMDF dhe rrjetit të NJDF në qarqe. 4. Lista e treguesve e përfshirë në legjislacionin për mbledhjen e statistikave.
	2.2 Fuqizimi i sektorit të statistikës në ASHMDF dhe rrjetit të NJDF në qarqe.	ASHMDF, NJDF, UNICEF,	2012-2013		
	2.3 Hartimi dhe miratimi i listës së treguesve të përjashtimit social të fëmijëve sipas KDF.	INSTAT	2012		



	1.3 Bashkëpunimi ndërmjet zyrave të gjendjes civile, gjykatave, NJMF për të lehtësuar regjistrimin e fëmijëve të paregjistruar brenda afateve. 1.4 Përfitimi i shpërblimit nga regjistrimi i çdo fëmije.	DPGJC, NJQV (zyrat e gjendjes civile), NJMF, OJF NJQV	Në vazhdimësi Në vazhdimësi		fëmijët e lindur jashtë vendit.
2. Ngritja dhe funksionimi i mekanizmave institucionale në nivel vendor për mbrojtjen e fëmijëve dhe menaxhimin e rasteve të fëmijëve në rrezik.	2.1 Takime në çdo qark, me kryetarët e qarqeve, kryetarët e bashkive dhe komunave për njohjen e ligjit të ri dhe detyrimet e pushtetit vendor në zbatim të ligjit.	Këshillat e qarqeve, NJQV ASHMDF, UNICEF, Shoqëria civile.	2012	1. MPÇSSHB Viti 2012 - 1.82 Viti 2013 - 1.91 Viti 2014 - 2.09	1. Numri i takimeve dhe i pjesëmarrësve.
	2.2 Ngritja e njësive për mbrojtjen e fëmijëve në çdo bashki/komunë (fillimisht ato më të mëdhatë) dhe e 2 njësive për të drejtat e fëmijëve.	Këshillat e qarqeve, NJQV, donatorët	2012-2015		2. Numri i NJMF dhe NJDF të ngritura
	2.3 Miratimi i projektvendimit të Këshillit të Ministrave "Për mekanizmin e bashkërendimit të punës ndërmjet autoriteteve shtetërore përgjegjëse për referimin e rasteve të fëmijëve në rrezik", si dhe mënyrën e procedimit të tij.	ASHMDF MPÇSSHB,	Mars 2012		3. Vendime të Këshillit të Ministrave të miratuara

	<p>2.4. Hartimi dhe miratimi i Metodologjisë së veprimit të njësive për mbrojtjen/të drejtat e fëmijëve për trajtimin e rasteve të fëmijëve në rrezik.</p> <p>2.5 Ngritja dhe funksionimi i ekipeve teknike ndërdisiplinore në qarqe, bashki e komuna për menaxhimin e rasteve të fëmijëve në rrezik.</p> <p>2.6 Përgatitja e rregulloreve tip dhe miratimi i rregulloreve të funksionimit të Komiteteve Drejtues në qarqe dhe të ekipeve teknike multidisiplinore në bashki e komuna për menaxhimin e rasteve të fëmijëve në rrezik.</p> <p>2.7 Ngritja e kapaciteteve të punonjësve të njësive të mbrojtjes/të drejtave të fëmijëve, grupeve teknike multidisiplinore në njësitë e qeverisjes vendore.</p> <p>2.8 Hartimi dhe miratimi i Statusit të Punonjësit Social.</p> <p>2.9 Monitorimi i menaxhimit të rasteve të fëmijëve në rrezik.</p>	<p>ASHMDF MPÇSSHB</p> <p>NJQV e në Këshillat e qarqeve</p> <p>ASHMDF NJQV e në Këshillat e qarqeve</p> <p>NJQV, institucionet shtetërore përgjegjëse në nivel vendor, ASHMDF, donatorët</p> <p>MPÇSSHB</p> <p>ASHMDF</p>	<p>2013</p> <p>Në vazhdimësi</p> <p>2014</p> <p>Në vazhdimësi</p> <p>2013</p> <p>Në vazhdimësi</p>		<p>4. Udhëzimi i ministrit për metodologjinë e veprimit të njësive për mbrojtjen/të drejtat e fëmijëve për trajtimin e rasteve të fëmijëve në rrezik.</p> <p>5. Takimet e grupeve multidisiplinore për menaxhimin e rastit të fëmijëve në rrezik.</p> <p>6. Rregullore të miratuara në qarqet ku janë ngritur Komitetet Drejtues dhe në NJQV ku janë ngritur ekipet teknike multidisiplinore.</p> <p>7. Numri i trajnimeve dhe personave të trajnuar.</p> <p>8. Statusi i punonjësit social i miratuar.</p> <p>9. Numri i kontrolleve.</p>
<p>3. Zbatimi i programit Kombi : “Për një shkollë miqësore pro sjelljeve pozitive”.</p>	<p>3.1 Ngritja e grupit të avokatëve të mënyrave të reja të disiplinimit (MRD) në të gjitha shkollat e arsimit parauniversitar.</p> <p>3.2 Seanca trajnimi për zbatimin e MRD.</p> <p>3.3 Promovimi dhe zbatimi i MRD në shkolla, nëpërmjet</p>	<p>UNICEF</p> <p>Në të gjitha DAR/ZA</p> <p>Në të gjitha DAR/ZA</p>	<p>2012-2013</p> <p>2012-2014</p> <p>Në vazhdimësi</p>		<p>1. Numri i avokatëve në të gjitha shkollat e arsimit parauniversitar.</p> <p>2. Numri i mësuesve dhe drejtuesve të shkollave të trajnuar.</p> <p>3. Numri i aktiviteteve promovuese në nivel DAR/ZA.</p> <p>4. Emisione televizive dhe radiofonike, artikuj sensibilizues në</p>



	medias dhe sensibilizimit të komunitetit. 3.4 Vlerësimi i impaktit të zbatimit të programit Kombi.	MASH, UNICEF	2015		shtypin e përditshëm. 5. Krijimi i Aleancave Rajonale të MRD (DAR/ZA komunitetit të prindërve). 6. Raporte mujore për diskutimin e zbatimit të MRD në të gjithë shkollat e arsimit parauniversitar. 7. Raporte vlerësuese për zbatimin e MRD në fillim dhe në fund të zbatimit të programit Kombi.
4. Vendosja dhe konsolidimi i shërbimit psikologjik në të gjitha kopshtet, shkollat e arsimit të detyruar dhe arsimit të mesëm.	4.1 Shtrirja e shërbimit psikologjik në të gjithë kopshtet dhe shkollat në vend. 4.2 Rritja e kapaciteteve të psikologëve të shkollave. 4.3 Vendosja e bashkëpunimit ndërmjet psikologëve të shkollës dhe Njësive për Mbrojtjen e Fëmijëve në bashki/komunë për menaxhimin e rasteve të fëmijëve në rrezik.	MASH, DAR/ZA, UNICEF	2012-2014	Konsolidimi i shërbimit psikologjik: Viti 2012- 7.5; Viti 2013-12; Viti 2014- 20	1. Numri i shkollave që kanë psikolog. 2. Trajnimi i psikologëve (250). 3. Ngritja e sistemit koordinues dhe supervizues së SHPSH.
5. Internet i sigurt për fëmijët.	5.1 Nxitja e praktikave të vetërregullimit ndërmjet internet <i>providers</i> , institucioneve dhe aktorëve të tjerë të industrisë së komunikimit. 5.2 Fushata ndërgjegjësimi, edukimi, informimi për sigurinë në internet, për të gjithë aktorët, operatorët celularë, ISP, ofruesit e shërbimeve, prindërit, fëmijët etj.	MITIK AKSHI operatorët celularë, ISP <i>providers</i> ,	2012-2013 2013-2015	Buxheti i shtetit, donatorë	1. Një Kod Kombëtar sjelljeje, etike ndërmjet të gjithë aktorëve. 2. Marrëveshje bashkëpunimi ISP, operatorëve celularë etj. 3. Nënshkrimi i marrëveshjeve të Bashkëpunimit ndërmjet institucioneve shtetërore dhe biznesit.

Objektivi strategjik: 2. Mbrojtja e fëmijëve nga format më të këqija të punës					
1. Forcimi i masave për parandalimin dhe garantimin e një mbrojtje më efektive për fëmijët e shfrytëzuar në format më të rënda të punës.	1.1 Fushatë sensibilizuese kundër shfrytëzimit për punë të fëmijëve. 1.2 Vlerësim, studim i punës së fëmijëve.	BKTF INSTAT	Çdo vit 2012	Buxheti i shtetit, donatorë	1. Aktivitete ndërgjegjësuese në të gjitha qarqet e vendit. 2. Studimi i INSTAT për punën e fëmijëve.
2. Rritja e rolit të Inspektoratit Shtetëror të Punës mbrojtjen e fëmijëve dhe përmirësimin e situatës së fëmijëve që punojnë.	2.1 Vendosja e bashkëpunimit të ISHP me njësinë e mbrojtjes së Fëmijëve në bashki/komunë	ISHP, NJQV(NJMF)	2012-2015	MPÇSSHB Viti 2012 - 121.86 Viti 2013 - 106.41 Viti 2014 - 124	1. Institucionalizim i bashkëpunimit në përputhje edhe me ligjin nr. 10 433, datë 16.6.2011 “Për inspektimin” . 2. Trajnimi i 120 inspektorëve të ISHP. 3. Hartimi i strategjisë së inspektimit në punë, 2013-2020, duke i dhënë një fokus të veçantë punës së të miturve.
	2.2 Rritja e kapaciteteve të inspektorëve të ISHP lidhur me çështjet e mbrojtjes së fëmijëve në rrezik, politikat e reja për bashkëpunimin e institucioneve në nivel vendor për menaxhimin e rasteve të fëmijëve në rrezik.	ISHP	2012-2013		
	2.3 Forcimi i inspektimeve duke përmirësuar monitorimin e punës së fëmijëve me në fokus shëndetin e tyre dhe sigurinë në punë. 2.4 Përmirësimi i politikave kuadrit ligjor për sigurinë dhe shëndetin në punë të fëmijëve	ISHP MPÇSSHB, ISHP	Në vazhdimësi 2013		
E drejta për zhvillim dhe arsim					
Objektivi strategjik: 1. Krijimi i një mjedisi që nxit zhvillimin e fëmijëve që në moshë të hershme					



<p>1. Pushteti vendor ka aftësitë dhe buxhetet e nevojshme për të promovuar zhvillimin e hershëm të fëmijëve.</p>	<p>1.1 Studim kombëtar për problematikat dhe rekomandimet për të promovuar zhvillimin e hershëm të fëmijëve 0-3 vjeç. 1.2. Hartimi i standardeve për fëmijët 0-3 vjeç në çerdhe. 1.3 Rritja e kapaciteteve të pushtit lokal dhe aktorëve të tjerë për të hartuar, buxhetuar dhe zbatuar politika për fëmijët 0-3 vjeç, duke i dhënë përparësi grupeve të fëmijëve në nevojë. 1.4. Hartimi i programeve këshilluese për prindërimin pozitiv.</p>	<p>UNICEF, NJQV ASHMDF ASHMDF MPÇSSHB UNICEF UNICEF ASHMDF NJQV UNICEF ASHMDF NJQV</p>	<p>2012 2013 2013-2015 2013</p>	<p>Buxheti i NJQV UNICEF</p>	<p>1. Studimi kombëtar është zhvilluar dhe ka evidentuar problematikat dhe hapat për të ardhmen. 2. Standardet për çerdhet, për fëmijët 0-3 vjeç, janë përgatitur dhe miratuar. 3. Buxheti i pushtetit lokal për fëmijët 0-3 vjeç është rritur me 5% 4. Programe prindërimi sidomos me fokus shtresat në nevojë janë krijuar dhe implementuar.</p>
<p>Objektivi strategjik: 2. Sistem arsimor gjithëpërfshirës dhe cilësor, për fëmijët</p>					
<p>1. Përmirësimi dhe konsolidimi i vazhdueshëm i sistemit arsimor publik cilësor dhe falas në nivelet e parashkollorit, arsimit të detyruar.</p>	<p>1.1 Rritja e aksesit të fëmijëve në arsimin parashkollor Ndërtimi i kopshteve të reja, rehabilitimi i atyre ekzistuese dhe kompletimin me orëndi e pajisje. 1.2 Përmirësimi në vazhdimësi i kurrikulës, duke synuar shmangien e ngarkesave të tepërta, si dhe duke pasur në konsideratë zhvillimin e fëmijëve.</p>	<p>MASH</p>	<p>2012-2014 2012-2015</p>	<p>Viti 2012 - 2,8; Viti 2013 - 2,9; Viti 2014 - 3,1.</p>	<p>1. Rritje e numrit të fëmijëve 5-vjeçar me 10% dhe fëmijëve 3-4-vjeçarë në arsimin parashkollor. 2. Numri kopshteve të reja dhe atyre të rikonstruktura. 3. Rishikimi i kurrikulave të arsimit të detyruar.</p>
	<p>1.3 Përmirësimi i kushteve në shkolla, ndërtimi i shkollave të reja, rehabilitimi i atyre ekzistuese. 1.4 Krijimi në shkollat e arsimit</p>	<p>MASH</p>	<p>2012-2015 2012-2015</p>	<p>Viti 2012-29,3; Viti 2013-30,3; Viti 2014- 33,3.</p>	<p>4. Numri i shkollave të reja për arsimin e detyruar. 5. Përqindja e buxhetit të shtetit dhe përqindja e fondeve që do të alokohen nga të ardhurat e njëjësive të</p>

	të detyruar dhe arsimit të mesëm i infrastrukturës mësimdhënëse që rrit shkallën e kërkimit, efektivitetin e përvetësimit të kurrikulës arsimore që përmirësohet.				qeverisjes vendore për përhapjen e shkollave të reja dhe përmirësimin e infrastrukturës ekzistuese në to. 6. Ngritja apo rehabilitimin e bibliotekave Ngritje e kabineteve dhe laboratorëve Sigurimi i lidhjes me internet dhe laboratorët e teknologjisë
	1.5 Rritja e nivelit të formimit dhe trajnimit të mësuesit		2012-2015	Trajnimet Viti 2012- 25.8; Viti 2013-26; Viti 2014- 29.2	7. Hartimi dhe përgatitja e modeleve alternative për trajnimin e mësuesve dhe zhvillimin e vazhdueshëm profesional të mësuesve në përputhje me nevojat e tyre.
2. Gjithëpërfshirje në mësimnxënie pavarësisht gjendjes social-ekonomike të familjes, përkatësisë etnike, aftësisë së kufizuar apo vendndodhjes gjeografike.	2.1 Rritja e numrit të regjistrimit të fëmijëve romë, egjiptianë dhe me AK në arsimin e detyruar. 2.2 Përfshirja me prioritet i fëmijëve romë në arsimin parashkollor dhe mësimi i gjuhës shqipe për t'i përgatitur për klasën e parë.	MASH, OJF NJQV	2012-2015	Buxheti i Shtetit	1. Rritja e treguesit të regjistrimit me 4.5% ose 160 fëmijë për nxënësit romë dhe egjiptianë, 2% për nxënësit me AK.
	2.3 Përmirësimi i kurrikulave, hartimi i programeve, metodave të punës që lehtësojnë procesin e të nxënës të fëmijëve me AK.	MASH			2. Programe pune, kurrikula për fëmijët me AK që studiojnë në shkolla.
	2.4 Hartimi i akteve nënligjore për arsimimin e fëmijëve me nevoja të veçanta.	MASH	2014		3. Aktet e miratuara



	2.5 Rritja e aksesit në arsimin e detyruar të fëmijëve që vijnë nga familje në gjendje të vështirë social ekonomike dhe nga vendbanime të largëta	MASH, OJF NJQV	2012-2015	Kompensimi i vlerës së teksteve Viti 2012 – 0.2 Viti 2013 – 0.2 Viti 2013 – 0.2 Shërbimi i transportit për mësuesit: Viti 2012 - 0.3; Viti 2013 – 0.3; Viti 2014 – 0.3.	4. Vazhdimi i shpërndarjes së teksteve falas në arsimin e detyruar 9-vjeçar, për të siguruar aksesin e duhur në arsim të fëmijëve që i përkasin familjeve përfituese të ndihmës ekonomike. 5. Vendosja e transportit për fëmijët dhe mësuesit.
3. Ulja e nivelit të braktisjes së shkollës.	3.1 Kthimi në shkollë i fëmijëve që nuk e kanë përfunduar (pra braktisur atë) dhe ofrimi i alternativave të formimit profesional për të rinjtë në moshë pune. 3.2 Hartimi i programeve të veçanta pune në nivel klase dhe shkolle, me qëllim sensibilizimin e prindërve dhe fëmijëve për rëndësinë e shkollimit, dhe për kthimin në shkollë të fëmijëve jashtë sistemit arsimor. 3.3 Identifikimi i saktë i fëmijëve të ngujuar si pasojë e gjakmarrjes dhe zbatimi i programeve arsimore dhe projekteve në ndihmë të këtij kontingjenti fëmijësh .	MASH MPÇSSHB MASH DAR/ZA NJMF OJF MASH DAR/ZA NJMF OJF	Çdo vit Çdo vit Çdo vit	Buxheti i Shtetit	1. Uljen e braktisjes shkollore në AB nën 0.3% .
Objektivi strategjik: 3. Rritja e pjesëmarrjes së fëmijëve në procesin vendimmarrës në shkollë dhe jashtë saj					

<p>1. Nxitja e pjesëmarrjes së vazhdueshme dhe cilësore të fëmijëve në vendimmarrje për mënyrën e zhvillimit të procesit mësimor, si dhe në veprimtaritë brenda dhe jashtë shkollës.</p>	<p>1.1 Plotësimi i akteve normative të funksionimit të shkollës, që i njohin të drejtën fëmijëve të jenë pjesëmarrës në vendimmarrjet që lidhen me procesin mësimor, veprimtaritë brenda dhe jashtë shkollës. 1.2 Ndërgjegjësimi i njësisive të qeverisjes vendore për rolin e organizatave të fëmijëve. 1.3 Rritja e kapacitetit të QN.</p>	<p>MASH NJQV, OJF, MASH</p>		<p>Nuk kërkon fonde të posaçme, kryhen brenda buxhetit të miratuar të institucioneve.</p>	<p>1. Hartimi i instrumenteve dhe modaliteteve për pjesëmarrjen e fëmijëve në: a) informimin dhe marrjen e vendimeve së bashku me trupin pedagogjik; b) të marrin përgjegjësi kundrejt vetvetes, shkollës, familjes dhe komunitetit; c) të praktikojnë forma të delegimit dhe përfaqësimit; d) të marrin pjesë në bordet drejtuese të shkollës monitorim të zgjedhjes dhe të funksionimit të qeverisë së nxënësve.</p>
<p>2. Promovimi i të drejtave të fëmijëve</p>	<p>2.1 Hartimi dhe shpërndarja nëpërmjet rrugëve të ndryshme të komunikimit të materialeve, informacionit lidhur me të drejtat e tyre dhe mundësitë ligjore për të mbrojtur këto të drejta. 2.2 Organizimi i fëmijëve për ushtrimin e të drejtës dhe përgjegjësisive të tyre pjesëmarrëse në vendimmarrje të rëndësishme të shkollës dhe jashtë saj. 2.3 Organizatat e fëmijëve marrin pjesë, aktive në realizimin e të drejtave të tyre gjatë procesit mësimor.</p>	<p>MASH, KMD, ASHMDF qeveritë e nxënësve nëpër shkolla,</p>	<p>Në vazhdimësi</p>		<p>2. Lloji i materialeve të shpërndara. 3. Numri i shkollave ku janë shpërndarë. 4. Numri i QN të trajnuar. 5. Lloji i aktiviteteve ku fëmijët kanë ushtruar të drejtën e tyre për pjesëmarrje (në shkolla, struktura vendimmarrëse në NJQV).</p>
<p>E drejta për kujdes shëndetësor</p>					
<p>Objektivi strategjik: 1. Sigurimi i kujdesit esencial shëndetësor për nënën dhe fëmijën</p>					



<p>1. Monitorimi dhe vlerësimi i shërbimeve shëndetësore për nënën dhe foshnjën e porsalindur.</p>	<p>1.1. Kujdesi për gruan shtatzënë që muajt e parë të shtatzënisë. 1.2 Sigurimi i kujdesit esencial për të gjitha foshnjat e porsalindura përfshirë reanimacionin, kontrollin e temperaturës dhe fillimin e hershëm të ushqyerjes me gji. 1.3 Përgatitja e protokolleve për kujdesin neonatal në çdo nivel shërbimi lidhur me kujdesin për të porsalindurin. 1.4 Trajnimi për të gjithë punonjësit e kujdesit shëndetësor të përfshirë në ofrimin e kujdesit obstetrikal dhe neonatal, lidhur me praktikat e kujdesit holistik për lindjen dhe kujdesin për foshnjën e porsalindur. 1.5 Auditimi i rregullt i cilësisë së shërbimit të kujdesit shëndetësor për nënën dhe foshnjën e porsalindur</p>	<p>MSH, ISKSH</p>	<p>Në vazhdimësi 2012-2015</p>	<p>Viti 2012 - 7,8 Viti 2013 - 8,4 Viti 2014 - 8,8</p>	<p>1. Zvogëlim i vdekshmërisë foshnjore me 3% në vitin 2014 nga niveli bazë i vitit 2012 Zvogëlimi i vdekshmërisë amtare me 2% në vitin 2014 nga niveli aktual i 2012-ës. 2. Përqindja e grave shtatzënë që marrin vizitën e parë brenda tremujorit të parë të shtatzënisë. 3. Përqindja e grave që asistohen nga personel mjekësor gjatë lindjes. 4. Numri i protokolleve të përgatitura për kujdesin për të porsalindurin. 5. Numri i punonjësve të trajnuar.</p>
<p>2. Të sigurohet që çdo institucion kujdesi shëndetësor për nënën dhe fëmijën, të ofrojë kujdes efektiv dhe bashkëkohor për ushqyerjen me gji duke zbatuar 10 hapat për një ushqyerje të suksesshme me gji.</p>	<p>2.1 Nxitja e gjithë shërbimeve të maternitetit në vend që të promovojnë praktikat më të mira të Iniciativës “Spitale Mike të fëmijës” të OBSH/UNICEF që përputhen me 10 hapat e ushqyerjes me gji. 2.2 Trajnimi i punonjësve të kujdesit shëndetësor të përfshirë në programet shëndetësore për</p>	<p>MSH, ISHP</p>	<p>Në vazhdimësi 2012-2015</p>	<p>Viti 2012 - 0.72 Viti 2013 - 0.84 Viti 2014 - 0.82</p>	<p>1. Numri i institucioneve shëndetësore të akredituara për menaxhimin e ushqyerjes me gji. 2. Numri i personelit shëndetësor të trajnuar për ushqyerjen me gji dhe çështjet gjinore lidhur me të. 3. Treguesit e ushqyerjes me gji të përcaktuar dhe të agreguar sipas gjinisë, vendndodhjes dhe gjendjes social ekonomike dhe të mbledhur</p>

	<p>nënën dhe fëmijën lidhur me praktikat e ushqyerjes së suksesshme me gji.</p> <p>2.3 Përfshirja e treguesve të ushqyerjes me gji në sistemin e monitorimit dhe vlerësimit të punës së institucioneve të kujdesit shëndetësor për nënën dhe fëmijën.</p> <p>2.4 Kryerja e fushatave promociionale në media për të paraqitur ushqyerjen e shëndetshme me gji.</p>				<p>periodikisht.</p> <p>4. Numri i fushatave në media lidhur me ushqyerjen me gji</p>
Objektivi strategjik: 2. Parandalimi i kequshqyerjes, obezitetit dhe mbipeshës te fëmijët					
<p>1. Zbatimi i programeve kombëtare për të promovuar të ushqyerit e shëndetshëm, aktivitetin fizik të fëmijëve “<i>gender sensitive</i>”.</p>	<p>1.1. Përcaktimi i udhëzuesve për ushqyerjen e foshnjave dhe fëmijëve.</p> <p>1.2 Përgatitja e protokolleve të unifikuara për ndjekjen e rregullt të rritjes dhe zhvillimit të fëmijëve nga personeli i kujdesit shëndetësor parësor.</p> <p>1.3 Përfshirja e treguesve lidhur me ushqyerjen e fëmijës në sistemin e monitorimit të performancës së qendrave shëndetësore.</p> <p>1.4 Përfshirja në kurrikulat shkollore të edukimit, informacion mbi ushqyerjen e shëndetshme të fëmijëve.</p>	<p>MSH</p> <p>ISHP, MASH</p>	<p>2012-2015</p> <p>2012-2015</p>	<p>Brenda buxhetit të miratuar për çdo institucion.</p>	<p>1. Udhëzuesit dietetikë për fëmijët të përgatitur sipas moshës dhe gjinisë.</p> <p>2. Protokollet e hartuara.</p> <p>3. Numri i treguesve lidhur me ushqyerjen e fëmijës të përfshira në sistemin e monitorimit të performancës së qendrave shëndetësore.</p> <p>4. Numri i personelit shëndetësor të trajnuar për ushqyerjen dhe këshillimin për ushqyerjen.</p> <p>5. Numri i trajnimeve të kryera</p> <p>6. Kurrikulat shkollore për ushqyerjen të përgatitura dhe të përfshira në programet shkollore.</p>



	1.5 Fushata IEK, (informimi edukimi komunikimi) në shkolla dhe media për rritje e aktivitetit fizik dhe ushqyerjen e shëndetshme të fëmijët/adoleshentët				7. Përqindja e personelit arsimor të trajnuar për rëndësinë e ushqyerjes dhe aktivitetit fizik. 8. Numri i fushatave promovionale lidhur me aktivitetin fizik për fëmijët.
Objektivi strategjik: 3. Parandalimi i sëmundjeve ngjitëse dhe reduktimi i nivelit të sëmundjeve kryesore të fëmijërisë					
1. Vaksinimi i plotë në kohë i të gjithë fëmijëve sipas kalendarit kombëtar të vaksinimit. Monitorimi i cilësisë së vaksinave dhe survejimi për imunizim të popullatës.	1.1 Rritja e mbulesës vaksinale të fëmijët. 1.2 Zgjerimi i skemës së kalendarit të vaksinimit nëpërmjet futjes së vaksinave të reja. 1.3 Përfshirja në kalendarin e vaksinimit të grupeve të marginalizuara, (p.sh popullata rome). 1.4 Përmirësimi dhe unifikimi i sistemit të regjistrimit të vaksinave të fëmijëve. 1.5 Përmirësimi i vazhdueshëm i sistemit të zinxhirit ftohës dhe trajnimi i personelit përkatës për ruajtjen sa më efektive të vaksinave. 1.6 Kontrollë periodike të situatave epidemiologjike për sëmundjet infektive dhe jainfektive. 1.7 Fushata IEK në shkolla dhe komunitet për vaksinimin, parandalimin e sëmundjeve infektive. 1.8 Ngritja e observatorit të	MSH, ISHP,	Në vazhdimësi 2012-2014	Vaksinimi i fëmijëve Viti 2012- 0.25 Viti 2013- 0.3 Viti 2014- 0.35 Pajisje, laboratorë, teknologji të reja, mjedise të DSHP-së Viti 2012- 0.1 Viti 2013- 0.1 Viti 2014- 0.1 Kontrollet e situatave epidemiologjike për sëmundjet infektive dhe jo infektive Viti 2012- 2,3 Viti 2013- 2,2 Viti 2014- 2,3	1. Përqindja e fëmijëve të vaksinuar sipas kalendarit rutinë. 2. Numri i vaksinave të reja të përfshira në kalendarin kombëtar të vaksinimit. 3. Përqindja e popullatës rome të vaksinuar sipas kalendarit rutinë. 4. Numri i personelit shëndetësor të trajnuar lidhur me imunizimin, dhe sistemin e raportimit. 5. Numri i personelit shëndetësor të trajnuar për zinxhirin ftohës. 6. Numri i kontrolleve të bëra për sëmundjet infektive dhe jainfektive. 7. Numri i aktiviteteve promovionale, edukimi shëndetësor i komunitetit, familjeve, lidhur me rëndësinë e vaksinimit të fëmijës Fuqizimi i sistemit ALERT. 8. Numri i aktiviteteve promovionale dhe edukuese për parandalimin e sëmundjeve infektive/higjiëna ushqimore, vetjake dhe e ambientit, masat mbrojtëse ndaj sëmundjeve ngjitëse etj. 9. Numri i temave/orëve mësimore të

	shëndetit në ISHP.	ISHP, MASH			zhvilluara në shkollë mbi sëmundjet infektive 10. Observatori i shëndetit në ISH.
2. Monitorimi i rregullt i rritjes dhe zhvillimit të fëmijëve 0-5 vjeç nga personeli i kujdesit shëndetësor parësor në qendrat shëndetësore dhe këshillimet e fëmijës.	2.1 Përcaktimi protokolleve të unifikuara, rregulloreve etj. për monitorimin e rregullt të rritjes dhe zhvillimit të fëmijës 2.2 Trajnimi i personelit shëndetësor lidhur me monitorimin e rritjes, zhvillimit, si dhe përmirësimin e aftësive këshilluese lidhur me shëndetin e fëmijës.	MSH, ISKSH	Në vazhdimësi	Buxheti i shtetit	1. Protokollet e unifikuara, rregulloreve etj. për monitorimin e rregullt të rritjes dhe zhvillimit të fëmijës. 2. Numri i qendrave shëndetësore që ofrojnë ndjekjen e rritjes dhe zhvillimit të fëmijës. 3. Përqindja e fëmijëve të moshës 0-1 vjeç që marrin vizitat e detyrueshme sipas protokollit klinik. 4. Numri i trajnimeve dhe personelit të trajnuar.
3. Zgjerimi i modelit të MISF (Menaxhimi i Integruar i Sëmundjeve të Fëmijërisë) për ndjekjen dhe trajtimin e fëmijëve 0-5 vjeç në të gjitha shërbimet e KSHP të kujdesit për fëmijën.	3.1 Trajnimi i personelit të KSHP mbi MISF. 3.2 Zgjerimi MISF në komunitetet me status të ulët social ekonomik.	MSH, ISHP	Në vazhdimësi	Brenda buxhetit të miratuar për çdo institucion.	1. Numri i personelit të trajnuar. 2. Numri i komunave që janë përfshirë në modelin e MISF komunitar.
Objektivi strategjik: 4. Kontrolli dhe parandalimi HIV/AIDS-it dhe IST-së					



<p>1. Parandalimi dhe ulja e rasteve të HIV/AIDS dhe IST te fëmijët.</p>	<p>1.1 Përcaktimi dhe ngritja e qendrave të referencës nëpër maternitete për parandalimin e transmetimit të HIV/AIDS nga nëna te fëmija.</p> <p>1.2 Sigurimi i barnave antiretrovirale për PTNF (parandalimi transmetimit nënë-fëmijë) dhe për trajtimin e fëmijëve me HIV/AIDS.</p> <p>1.3 Ngritja e një qendre të specializuar për ndjekjen dhe trajtimin e fëmijëve me HIV/AIDS.</p> <p>1.4 Përfshirja e informacionit mbi HIV/AIDS në programin shkollor.</p> <p>1.5 Fushata IEK për parandalimin dhe përhapjen e HIV/AIDS në moshën feminare dhe mbrojtjen e të drejtave të fëmijëve që vuajnë me HIV/AIDS për mosdiskriminimin e tyre nga shoqëria.</p>	<p>MSH, ISHP</p> <p>MASH, ISHP</p>	<p>2013</p> <p>2012-2015</p>	<p>Brenda buxhetit të miratur për çdo institucion.</p>	<p>1. Numri i fëmijëve dhe nënave me HIV/AIDS.</p> <p>2. Numri i qendrave të referencës nëpër maternitete dhe që janë të pajisura me reagjentë dhe pajisje laboratorike për HIV/AIDS.</p> <p>3. Numri qendrave shëndetësore që ofrojnë trajtim për HIV/AIDS.</p> <p>4. Numri i materialeve informative për HIV/AIDS të përgatitura dhe shpërndara.</p> <p>5. Ofrimi i ekzaminimeve dhe trajtimi i fëmijëve që vuajnë me HIV/AIDS, në një qendër të specializuar.</p> <p>6. Numri i fushatave për mbrojtjen e të drejtave të fëmijëve që vuajnë me HIV/AIDS.</p>
<p>E drejta për mbrojtje ligjore</p>					
<p>Objektivi strategjik: 1. Mbrojtja e fëmijëve në konflikt me ligjin</p>					

<p>1. Rritja e efikasitetit të procedimeve ligjore ndaj të miturve, si dhe shkurtimi i afateve kohore të tyre.</p>	<p>1.1 Përmirësimi i aksesit të drejtësisë nëpërmjet krijimit të seksioneve të të miturve në të gjithë gjykatat e shkallës së parë. 1.2 Rregullimet me kodin e procedurës penale që reflektojnë dënimin me burgim për të miturit si masë e fundit dhe për kohën më të shkurtër. 1.3 Trajnimi i gjyqtarëve dhe prokurorëve për të mitur me praktikat më të mira në administrimin e drejtësisë për të mitur.</p>	<p>MD, UNICEF Organizata Ndërkombëtare MD MD, Shkolla e Magjistraturës, UNICEF</p>	<p>2013-2015 2013 2012-2015</p>	<p>Sipas buxhetit të miratuar, donatorët UNICEF- 40,000USD</p>	<p>1. Ulja e kohëzgjatjes së mbajtjes në paraburgim të të miturve (vlerësohet: 5-7 muaj, synimi: 2-4 muaj). 2. Dekreti i Presidentit për seksionet e të miturve në gjykatat e shkallës së parë. 3. Miratimi i ndryshimeve në Kodin e Procedurës Penale. 4. Numri i trajnimeve dhe i të trajnuarve.</p>
<p>2. Rritja e përdorimit të masave alternative të dënimit me burgim dhe efikasitetit të ekzekutimit të vendimeve penale për të mitur.</p>	<p>2.1 Vënia në efikasitet të zbatimit të dënimeve alternative për të miturit në të gjithë territorin nëpërmjet forcimit të shërbimit të provës. 2.2 Aplikimi i praktikave më të mira në zbatimin e dënimeve alternative për të miturit. 2.3 Zgjerimi i zbatimit të praktikave të drejtësisë restauruese dhe ndërmjetësismit për të miturit dhe krijimi i dhomës së ndërmjetësve.</p>	<p>MD UNICEF</p>	<p>2013-2015 2012</p>	<p>UNICEF- 240,000USD</p>	<p>1. Rritja e: % e të miturve në konflikt me ligjin të devijuar nga procesi gjyqësor dhe referuar në masa alternative të dënimit me burgim (vlerësim: 20%, synimi: 40%). 2. Protokolle, rregullore për zbatimin e dënimeve alternative për të miturit. 3. Krijimi i dhomës së ndërmjetësve.</p>



<p>3. Rehabilitimi dhe riintegrimi i fëmijëve në konflikt me ligjin.</p>	<p>3.1 Krijimi i dy institucioneve të ekzekutimit të vendimeve penale për të mitur (sipas modelit të Institutit të Kavajës), si dhe përmirësimi i gjendjes së seksioneve të të miturve në paraburgime. 3.2 Vendosja e treguesve të matshëm për vlerësimin e cilësisë së shërbimeve në I EVP për të mitur. 3.3 Garantimi i arsimimit të detyrueshëm dhe shkollimi i fëmijëve në paraburgim dhe në burgje. 3.4 Zbatimi i programeve riintegruese për të miturit e dënuar dhe paraburgim</p>	<p>MD MASH UNICEF</p>	<p>2015 2014-2015 Në vazhdimësi</p>	<p>Buxheti i Shtetit UNICEF – 120,000</p>	<p>1. % e të miturve në penitenciar që ndjekin arsim të detyruar (vlerësim: s'ka, synimi: 100% e të miturve që nuk kanë kryer arsimimin e detyruar ndjekin shkollën). 2. % e të miturve që kryejnë programe formimi profesional dhe programe rintegruese (vlerësim:50%, synimi: 90% kryejnë programe formimi profesional dhe programe riintegruese). 3. Treguesit për vlerësimin e cilësisë së shërbimit të miratuara.</p>
<p>Objektivi strategjik: 2. Sigurimi i mbrojtjes së duhur për fëmijët nën moshën 14 vjeç në konflikt me ligjin</p>					
<p>1. Plotësimi i kuadrit ligjor për fëmijët në konflikt me ligjin nën moshën (14 vjeç) e përgjegjësisë penale.</p>	<p>1.1 Hartimi e një projektligji dhe akteve nënligjore për zbatimin e masave edukative për fëmijët nën moshën e përgjegjësisë penale. 1.2 Ngritja e shërbimeve të reja që kanë për qëllim ofrimin e shërbimeve të nevojshme, përkujdesjen e duhur psikologjike për fëmijët e kësaj kategorie.</p>	<p>MD, NJQV, OJF, UNICEF, organizata ndërkombëtare</p>	<p>2015</p>	<p>Brenda buxhetit të miratuar, donatorët UNICEF – 120,000</p>	<p>1. Ligji i miratuar. 2. 50 % e të miturve që kryejnë krim dhe janë nën moshën e përgjegjësisë penale të përfshirë në programe edukuese.</p>
<p>2. Ndikim i drejtpërdrejtë në rehabilitimin e tyre në shoqëri.</p>	<p>2.1 Vendosja e treguesve për matjen e rrezikut të përhapjes së aktiviteteve kriminale për fëmijët e kësaj kategorie.</p>	<p>MD Drejtoria e Përgjithshme e Policisë</p>	<p>2015</p>		<p>1. Hartimi i një set treguesish.</p>

Objektivi strategjik: 3. Mbrojtja e fëmijëve viktima dhe dëshmitarë të krimit					
1. Përmirësimi i kuadrit ligjor lidhur me mbrojtjen e fëmijëve viktima dhe dëshmitarë të krimit.	1.1 Rregullimet në KPP lidhur me trajtimin e të miturve si viktima dhe dëshmitarë të krimit. 1.2 Hartimi i protokolleve të trajtimit të të miturve si viktima dhe dëshmitarë.	MB, NJQV, OJF, UNICEF, organizata ndërkombëtare	2013	Brenda buxhetit të miratuar, donatorët	1. Rregullimet në KPP të miratuara. 2. Protokolle dhe sistemi i monitorimit të trajtimit të miturve si viktima dhe dëshmitarë.
2. Përmirësimi i trajtimit të të miturve si viktima dhe dëshmitarë.	2.1 Përshtatja e ambienteve të policisë ku intervistohen dhe mbahen të miturit, në mjedise miqësore për të miturit. 2.2 Trajnimi i Trajnerëve (gjykatës, prokurorë, polici gjyqësore, avokatë dhe punonjës socialë) për trajtimin e fëmijëve viktimave dhe dëshmitarëve të krimit. 2.3 Trajnimi vazhdues (Shkolla e Magjistraturës dhe Akademia e Policisë) i profesionistëve të drejtësisë për të miturit për trajtimin e të miturve si viktima dhe dëshmitarë.			UNICEF- 120,000	3. Ndryshime në infrastrukturën e mjediseve të policisë. 4. Numri i trajnimeve dhe i personave të trajnuar.



SHKURTIMET

ASHMDF – Agjencia Shtetërore për Mbrojtjen e të Drejtave të Fëmijëve;
BE – Bashkimi European;
KMD – Komisioneri për Mbrojtje nga Diskriminimi;
KSHB – Komiteti Shqiptar i Birësimit;
DAR – Drejtoritë rajonale arsimore;
ISHP – Instituti i Shëndetit Publik;
KKDF – Këshilli Kombëtar për të Drejtat e Fëmijëve;
KM – Këshilli i Ministrave;
MASH – Ministria e Arsimit dhe Shkencës;
MB – Ministria e Brendshme;
MD – Ministria e Drejtësisë;
MPÇSSHB – Ministria e Punës Çështjeve Sociale dhe Shanseve të Barabarta;
MSH – Ministria e Shëndetësisë;
NJDF – Njësitë për të drejtat e fëmijëve;
NJMF – Njësitë për mbrojtjen e fëmijëve;
NJQV – Njësitë e qeverisjes vendore;
OJF – Organizatë jofitimprurëse;
SHSSH – Shërbimi Social Shtetëror;
UNICEF – Organizata Botërore për Mbrojtjen e Fëmijëve.

Abonimet vjetore për Fletoren Zyrtare mund të bëhen pranë Postës Shqiptare ose pranë Qendrës së Publikimeve Zyrtare, në adresën: Bulevardi “Gjergj Fishta”, mbrapa ish-ekspozitës “Shqipëria Sot”, tel: 04 24 27 007.
Çmimi i abonimit pranë Postës Shqiptare, për Fletoret Zyrtare 2012, është 16 000 lekë.
Çmimi i abonimit në QPZ është 14 000 lekë pa detyrimin e shpërndarjes në adresa.

Hyri në shtyp më 24.4.2012
Doli nga shtypi më 24.4.2012

	Formati: 61x86/8
--	------------------

Shtypshkronja e Qendrës së Publikimeve Zyrtare
Tiranë, 2012

Çmimi 46 lekë